

民國五年五月再版

直隸風土調查錄

上海商務印書館發行



直隸風土調查錄

順天府

通州

治地 中州

地勢 全境概爲平原多卑溼處

河流 全境有四支一北運河一潮白河一漲漲河一新河卽舊時飲羊河

古蹟 古名北平城內有唐時所建之凌雲塔

風土 民多業農

人情 人情篤厚最貴信義

物產 油靴爲工業之大宗墨泥科爲特別之物產

村鎮 全境內共有大鎮五小鎮三村莊共有六百一十三

三河縣

治地 中縣

地勢 平原

山脈 靈山栲栳山在治城東北二十里孤山在治城西北五十里長山在

治城西北三十里

河流 洳河在治城東五里洵河卽錯河在治城南門外鮑邱河在治城西

三十里

古蹟 縣卽古潞縣地縣西夏塾古名夏澤治北有古馬坊爲遼金元明牧

園之所縣北長山內焦園東山之麓有無樑閣疊石成堦三殿皆然

金石 文廟內有遼碑

風土 不暴不爭專務農業

人情 樸厚儉約

物產 北山出白土可爲粉麵以搏作飴糖等項

村鎮 治內八鎮其大者夏塾張各莊峪口五百六十餘村其大者南泗頭

北塢等村

武清縣

治地 中縣

地勢 卑溼

河流 北運河在縣之東境自香河縣之灰廠村至洪廟入境南至漢口辛莊出境入天津界赴直沽入海永定河在縣之南境自東安縣界至范瓮口入境東至魚坨口等村而橫注於鳳河鳳河自南苑中流出至奶子房入境南至肖莊入天津縣界龍河自東安縣界至蘑菇屯入縣境東至大南宮村併入鳳河

風土 人性慷慨風俗樸茂務農業者居十之七八務工商業者十之二三
人情 勤儉好文

物產 以五穀爲物產之大宗而關於工商業棉花爲第一特色

村鎮 一城十二鎮七百四十五村

寶坻縣

治地 中縣

地勢 除近城二三十里地勢稍高其餘盡屬卑窪且多沮洳

河流 全境河流甲於他邑東北曰薊運河爲薊寶之交界迤南曰鮑邱河非古鮑邱水也又南曰穿城河渠河卽雍正四年怡賢親王開挖窩頭新河裁灣之所又迤南曰窩頭河俗呼箭桿河也因年久失修屢被該河決口多水患又迤南曰綉針河曰南北普濟河均爲洩水之河極南曰青龍灣河筐兒港城河均爲北運河藉消盛漲之引河其他若蜈蚣河古舊河爾家莊引河八里汀河多不堪枚舉云

古蹟 寶邑漢曰泉州唐遼時爲新倉鎮金始命名寶坻設縣治築城垣城西五里朝霞寺爲唐時古寺該殿台每當晨夕秀景霞輝昭然若揭因名望日台台上有松柏十株係後唐趙德鈞宦蘆台鎮時手植又城南五里歇馬台莊係金章宗歇馬處今土台尙存又城南八里新務屯莊西南有

古城一座係秦始皇滅燕時戍兵處今呼秦城載於邑志秦城烟柳爲八景之一

金石 城東南三十餘里丈方鄆莊寺牆有唐碑半碣城西街廣濟寺內有遼碑俗呼透靈碑又城西十里陳甫莊南有元中書省左丞劉深先瑩碑城內馬宅有收藏明趙忠毅公鐵如意王宅有收藏古醫藥針大覺寺有唐朝繪畫龍像十六軸今僅存十有二軸歸住持僧收藏又古渠河內時常出現蕭后花盆俗呼魚骨盆入藥主治久咳金瘡

風土 良善之家衣食稍足卽令子弟就學然有讀至二三年竟改業者近苦水患農人終歲勤動不免飢寒往往借出洋傭工墾荒邊外以爲糊口之資如水走壑民力亦殫矣哉城內近來演唱戲劇淪爲風氣後生子弟每追步優伶上台頑票並無改良戲曲其父兄且從旁而讚揚之不知其惡噫可以觀俗尙矣

人情 邑人騎牆心多善逢迎人意俗謂東倒吃豬頭西倒吃羊頭又慣於

劉興罵項成敗論人近來風俗由儉入奢華樸頓若異世作衙門之人不知積蓄以貽家酷好吃喝每多一日未終罄諸所有全境旗圈多民產少真正士人率指硯田糊口端廉隅重氣節以奔走公庭爲恥

物產 麥 黑豆 棉花 落花生 茵陳 蒼耳 洋綫布 染紅紙

車前 郁李仁 紅梁 榆槐柳 猪鬃 燒鍋 蕨麻 甘薯 杞柳

小薊 旋覆花 益母草 水紅花子 紫花地丁 牽牛 金蕎麥

老鸛嘴 透骨草 蒲公英 臭小粉 銀魚 紫蠟 花扇 鮑魴

鮫魚 鮎 鯉 魴魚

村鎮 大鎮五小鎮八大村三十六小村七百八十八

薊州

治地 中州

地勢 北高南下中平原北界多山

山脈 薊境諸山由太行山發脈東至山海關崆峒山城北三里漁山城西

北二里鳳凰山城東七里桃花山城東十八里神山城南十里別山城東南三十里盤山城西二十五里名蹟甚多燕山在州東界六十里

河流

沽河源出塞外丹花嶺由城南南流林河在州東五十里西南流入

沽河黃崖川在城北五十里由黃崖關外來西流入三河界又東南流入沽河遼運河卽紫金泮在城南十里南流入沽龍池河卽漁水源出漁山以西由城南入沽河隅頭泉城東三十五里西南流入沽河

古蹟

城東鳳凰山爲寶禹鈞故里又趙普讀書處城西孔雀庵爲趙普故居李靖舞劍臺在盤山衛公庵燕昭王墓在盤山行宮東十里獨樂寺觀

音之閣四字唐李太白書其餘古蹟甚夥不堪枚舉

金石

城東門外如如庵有大魏太和十四年一石字半多磨滅文廟有趙

子昂書醉翁亭記獨樂寺瓦可爲硯上有尉遲敬德字

風土

婚喪多依文公家禮習尙樸良民多務農

人情

人情厚實儉勤質樸好文

物產 山果藥材

村鎮 薊境八鎮九百餘村

香河縣

治地 中縣

地勢 平原

河流 運河在縣城西六里武河在縣治北距城三里發源密雲縣之牛欄

山

風土 農業居其多數士安小就營商者不少然於合股集資之法似少講求故商業不見繁盛

人情 頗近儉樸惟多忿爭訴訟之事非地方之福也

物產 棉花甚良惜種者日少林業似新發育者地方官長繼續保護當不難日益繁盛也

寧河縣

治地 中縣

地勢 卑溼

河流 薊運河金鍾河筐兒港河青龍灣河

風土 務農業者多

人情 實厚

村鎮 二鎮二百五十村

霸州

治地 中州

地勢 平原西北高上東南低下

河流 城東南有大清河自西向東流離城十二里清河以北又有中涇河

發源於老堤村西與清河東流入東淀城東有牝牛河北自南孟鎮南流入於中涇河離城三里

古蹟 城內州署前有霸臺係宋將楊彥昭所建

風土 人民尙武好鬪以農爲業

人情 人情樸實勤儉

物產 城北辛店鎮左近產棉花北關外產西瓜全境物產以高粱玉黍穀米爲大宗青皮豆近年亦出產最盛運津發賣每年不下千百石城內產硝毫家務村產爆竹

鎮村 八鎮二百五十餘村

保定縣

治地 小縣

地勢 闔境地勢多係平原不甚高亢惟東南兩面與文安大窪毗連稍近卑溼

河流 保邑北門外大清河距城數十弓爲九河下游與東西淀相通往來船舶甚夥交通便利若得賢邑宰設法持維蕭條市面或可爲之一變

古蹟 保邑古城查縣志所載係宋時楊彥昭屯兵之地城南半里許俗名

雙疙瘡東西並列相距十餘弓形如覆釜荒草迷離得之父老傳聞以爲點將臺云

金石 清河北岸下皇亭有乾隆御碑一座係清高宗純皇帝御筆然碑已仆於地矣

風土 風俗純厚習尙馴良人民職業務農者居十分之九

人情 人情崇尙樸實絕少奢華類多勤儉耐勞之人惟老成練達者多尙退歛尙亦風氣未甚開通之故歟

物產 關於工商業者別無大宗物產惟地多斥鹵硝戶比他縣較多往年婦女紡織幾於無戶不有自洋布充斥盡皆輟業若仿高陽辦法購買織機學習織布亦塞漏卮之一術惜無款可籌耳

村鎮 保邑向無鉅鎮僅有三十六村盧各莊一村清光緒年間千里堤決口被水沖沒大村不過百餘戶其餘零星小村三五成家者三四處十數家成村者兩三處

文安縣

治地 中縣

地勢 半平原半卑溼

河流 縣城北距大清河三十餘里東南二面均距子牙河五十餘里

古蹟 治城西北蘇家橋鎮有宋蘇洵祠堂

金石 治城西北四里有唐碑係唐工部尙書張公之碑字蹟模糊不辨年

月

風土 風俗樸陋人民多務農

人情 人情尙實勤儉

物產 以五穀爲大宗蒲葦魚蝦荷芰等類爲勝芳鎮之特產

村鎮 共三百六十村以勝芳爲大鎮

大城縣

治地 中縣

地勢 治南高亢東西平原治北卑溼

河流 治南臨子牙河相距十里東北距清河八十里

古蹟 大邑原名平舒後唐改名大城縣東北三十里有子牙釣臺儒學西

有王淵井治西十二里有清風井治南里許有鳳凰臺北十里有麒麟窪

金石 城內西街有明李少司馬松石坊南街劉方伯漣年有諸葛銅鼓一

面

風土 風俗古樸習尚勤儉人民多以農業爲職間有富者經商貧者駕船

全境不過百分之二

人情 人情直率

物產 蒲葦席三項爲大宗

鎮村 四鎮三百一十村南鎮里坦北鎮王口爲巨東鎮南趙扶西鎮大廣

安次之其村最大者二十處除鎮又有集市者十二村

固安縣

治地 中縣

地勢 本縣係屬平原境多河流地面卑溼

河流 本縣境內北有永定河入境由西北北村距城十五里出境至東北
辛務距城二十里縣城正西有清河入境由宮村距城二十五里出境至
西南白馬莊距城三十里

古蹟 境內有南北張華村相傳係晉朝張華曾居於此故以爲名

金石 訪聞境內牛它鎮南韓村韓姓遺存蘇硯一塊

風土 本縣人民習賭博知事到任後嚴行查禁現均畏法不敢聚賭至於
職業不出務農貿易兩端

人情 本地人情虛而不實查閱訟詞多係無中生有鄉民有勤有惰行爲
不甚文明稍有口角卽用野蠻手段互相鬪毆現經知事勸導稍有感格
惟地處僻隅日用飲食尙崇節儉不愛奢華

物產 縣物產以柳器爲最盛查織柳器者約有二百餘戶係屬大宗

村鎮 查縣境大小鎮共有十六處內大鎮三處中鎮五處小鎮八處
永清縣

治地 中縣

地勢 平原

河流 東濱永定河十五里

古蹟 六郎繫馬台在后奕南門韓侯鄉韓信駐兵處在城西垂虹寺唐宋
之問題壁今無存

金石 唐金輪石幢字半模糊不可辨識在城東南里許塔兒巷宋宣和石
幢在城南南新溜大佛寺內宋鐘銘以官名推之當是宋物文字漫滅不
辨按日下舊聞皆以爲來自永定河邊在縣署左偏以鐵爲之重千餘斤

風土 多務農業

人情 人情樸儉

物產 柳器梨杏爲大宗

村鎮 八鎮二百八十二村

東安縣

治地 中縣

地勢 平原

河流 永定河距治城南十餘里

風土 風俗質樸人民多務農業

人情 尙勤儉

物產 五穀及林業鮮果爲大宗

村鎮 大鎮四小鎮八共計四百八十餘村

大興縣

治地 中縣無城治設京師安定門大街

地勢 全屬皆平原京西南多沙田東南間有沙田東北地勢微高

山脈 境內無山界距西山妙峯三十里北山四十里

河流 北境有溫榆河距城三十里發源自延慶州逾居庸貫昌平而入縣境東流入運河縣南鳳河距城七十里發源南苑一畝泉南流入運河

風土 風俗樸厚崇尚氣節民多務農經商

人情 人情溫厚性質循良近京稍奢邊境尙儉文風年來日有進步

物產 農產以包黍高粱穀小麥爲大宗工商以近於京師未甚發達惟柳條禾叉篋籮等器尙爲出產大宗

村鎮 京南大鎮四曰黃村曰禮賢居中曰青店東南曰采育京北鎮一曰孫河甚小全境共二百五十三村

宛平縣

治地 大縣

地勢 西北高亢南平原

山脈 西北叢山係太行山脈俗呼總其名曰西山周約五百餘里最高之

峯曰百花山高度約十七里

河流 永定河由西北入境南入固安境內延長約三百餘里玉河發源境

內玉泉山東入大興境內延長約五十里

古蹟 唐建中置幽都縣遼改宛平金耶律楚材墓及祠明景帝陵玉泉山

蘆溝橋皆爲境內古蹟名勝

金石 翁方綱書重建古墨齋記石刻二塊在縣署中

風土 風俗樸厚習尙儉務農者十之五務商者十之四雜業者十之一

人情 勤儉樸陋

物產 西山多灰煤南鄉多柳及落花生

村鎮 鎮凡八然最大者亦不過三百餘戶村凡三百八十三在百戶以上

者七十四村五十戶以上者一百一十一村五十戶以下者一百九十八

村

涿州

治地 中州

地勢 州西北臨巨馬河挾河胡良河上游地勢卑溼多稻田州南平原直
接新城界州東地勢稍窪

山脈 州西十五里有獨鹿山州西五十里有龍安山石虎山

河流 州北五里巨馬河發源廣昌縣經涿州至固安東南入桑乾河北十
里胡良河出房山縣大安山流入州北至東南合巨馬河州北二十里挾
河出良鄉縣西中浣谷流入涿州界入琉璃河至東南合巨馬河

古蹟 涿州卽古范陽地州南十五里有樓桑里爲漢昭烈帝故里古廟豐
碑具在州東三里有北台村爲宋藝祖故里今爲清涼寺亦有宋藝祖故
里碑在焉

金石 州南十五里有漢昭烈帝碑州南五里有漢桓侯故里碑及桓侯古
井碑州東三里有宋藝祖碑

風土 重讀重農

人情 敦厚儉樸

物產 穀麥稻棉苧薺藕大棗

村鎮 州境四百餘村共四鎮

良鄉縣

治地 中縣

地勢 地多平原近水間有卑溼之處

山脈 城西十五里有龍泉山

河流 東有永定河南有琉璃河皆從天津入海

古蹟 燎岡古塔廣陽遺城梁公芳沼望諸君墓

金石 郊勞臺碑壽因寺碑岫雲觀碑關帝廟碑

風土 風俗儉樸民多務農

人情 人情樸厚不尙浮靡

物產 五穀之外有林木果蔬之類

村鎮 四鎮一百一十三村

房山縣

治地 中縣

地勢 西北西南多山故地勢甚高東南東北多平原故地勢卑下

山脈 城西北皆山爲太行山之支脈名曰大房山其極高者曰鴻蘿嶮其

次曰上方山距城四十里

河流 城北有大石河發源於宛平縣百花山流入縣屬大安山村入境至

蘆村迤南出境流入良鄉縣琉璃河經流縣境百八十里又城西南有巨

馬河發源於塞外由廣昌流入縣屬鎮上村入境至鎮江營村東南出境

經流一百二十里

古蹟 城西二里有山曰留臺尖西北百里大安山係五代時劉仁恭僭號

處西二十里有山曰賈島峪爲唐賈島所居南五里有寺曰木岩寺賈島

有過木岩詩一首城南十二里有二站村有賈島墓城北六里羊頭崗村

有唐李克用救周德威與遼人大戰於此又有元朝高允恭墓在其上

金石 城西南七十里西域寺有玄奘法師碑又有古洞名小西天有石刻蓮花經版藏於洞內係六朝人所書又城北二十里有萬佛堂有唐碑字跡模糊僅可辨識

風土 西北多山礦產頗富故民以開礦爲業東南多平原民皆務農爲業人情 民情樸厚近來風氣漸開皆知向學學校日漸增添惟西南張坊鎮以內村落甚多萬山環繞其民皆渾渾噩噩不甚開化

物產 物產以灰煤炭爲大宗又有銀礦在城西北石堡村有銅鐵礦在城西南大峪溝村有漢白玉石在城西南石窩鎮有玻璃石礦在城西南甘池村

村鎮 大鎮有四石梯長溝張坊大灰廠小鎮有二石窩雇冊大小村共二百二十四

昌平州

治地 中州

地勢 治西及北皆高亢東南平原

山脈 岫岫崖在治西北東南向約二十里有奇天壽山在治北南向約二十五里餘銀山在治東北東南向約十五里神嶺在治西東向約三十餘里

古蹟 明陵(古蹟)湯泉銀山神嶺(均名勝)

金石 舊縣興壽二村寺內各有石幢一上勒番漢經文乃唐代遺物

風土 風俗純良習尚農工職業農居多數工商次之士又次之

人情 人情樸厚崇尚節儉勤於工作舉動文明

物產 以菸葉菓木爲大宗

村鎮 鎮四大村一百四十六小村二百八十六合計四百三十二村

順義縣

治地 中縣

地勢 居通州上游西連昌平東接三河城東五里許潮白河爲害甚鉅地

又近卑溼多沙壤城西南北三面盡屬平原

山脈 治城東二十五里有狐奴山其西百步許有鞋山兩峯聳峙治北二

十里有牛欄山孤峯特立西北有史山與昌平桃山風山口等連亘數百
里其脈來自鐵壁銀山治南五里許有桃山龍山崗山則三山隱秀

河流 治城東有白河一名潮河又云洛河發源塞外從石塘嶺白馬關經

密雲縣東入境下流通州與運糧河合

古蹟 治西三十里義店北有軍都縣舊城址又西北六里有安樂郡舊址

治東二十里有寶燕山故里治西十餘里有邵康節故里

金石 狐奴山麓西南隅有張真人墓治東北二十里西府村有燕王墓治

東北魯各莊有漁陽太守張堪廟其旁均有碑碣在焉

風土 民性豪勁習尚純良耕較多於讀而商業恆少

人情 人情儉樸氣質純厚雖雍容儒雅多所未備而馴謹忠良頓覺有餘

物產 地多植五穀惟稻田葦地甚屬無多

村鎮 計三鎮一楊各莊一牛欄山一李遂店全境二百七十餘村最大者約二十村每村四五百戶至七八百戶中一百五十餘村二三百戶其餘小村四五十戶至一百餘戶

密雲縣

治地 中縣

地勢 界於山河之間近山則多高原近河則多沙蹟

山脈 山脈起於黍谷橫亙縣南宛若列屏距城十五里迤邐綿亙或峙雄關或當孔道脈絡分支直趨塞外

河流 白河在縣西附近城垣每當河水漲發異常危險潮河距縣南五里至順義境會白河

古蹟 縣南黍谷山爲鄒衍吹律處（通志屬懷柔誤）橫山在縣南二十里後魏置郡亦以名山燕慕容恪破石趙兵於此

金石 白龍潭在縣東北六十里有明戚繼光詩碣及列朝宸翰東門外有

明楊博戚繼光祠十面碑二通書法秀逸似趙松雪書者爲明陳經翰周

天球

風土 風俗樸厚人多務農

人情 俗尙勤儉惟旗回民雜處人情虛實不無歧異

物產 松柏及榛栗梨棗胡桃之屬近山多橡柞最宜山蠶

村鎮 古北口石匣二鎮古北距縣東北百里爲沿邊要隘石匣距縣東北

六十里村莊四百餘近山者零星散處其成村落者約三百村

懷柔縣

治地 小縣

地勢 縣治東多沙壤逾白河而東多平原過北務嶺則多山城東南近水

多卑溼西北二方倚山多高亢東北多沙荒以與白河毗連故也

山脈 縣正北十里有紅螺山縣邑屏障也東北十八里有景山再東北二

十里有金燈山金燈山之東有神山迤北有白牛山鷄冠山迤西有虎頭

山路駝山又東北四十里有卸甲山山之東有象山迤西有眉山多象形而名之也縣東二十里有羅山逾河而東有白檀山山之北有黍穀山屬密雲東有唐洞山山迤北有北務嶺逾嶺而東有鳳林山山麓有鳳林寺再東有丫髻山有紫霞宮道院又東有栲栳山縣東南二十里有牛欄山屬順義縣西南五里有峯山口逾此則昌平界縣西半里許有龍王山山西有釣魚臺俗傳爲共工氏遊息處

河流 縣治北十里紅螺山麓有珍珠泉下流與各山溪水相會則名小泉河出山而東南至兩河村入雁棲河此河源出紅螺山後西北邊塞外曰蓮花池出紅螺山東南流與密雲之白河潮河會又南與昌平之潮鯉河會

古蹟 縣治北有卸甲山相傳爲楊延景卸甲處山之下有馬跑泉東有黍穀山其上有別穀岩相傳爲鄒衍吹律處乃密雲界縣北紅螺山麓有清范文肅公墳墳前有御製碑城內關帝廟有成介憫公碑

風土 鄉間風俗因陋就簡多渾樸民情之厚以此其不開化亦以此每以務農爲業

人情 人情多實好儉勤而不文

物產 百穀俱有菓樹則桃李梨種類甚多惟以大扁杏仁爲土產大宗
村鎮 所屬一百零十餘村大村不過二百餘戶小村則二三十戶四五十戶而已其地有密雲插花順義插花至犬牙斗入之處尤多鎮則無之

平谷縣

治地 小縣

地勢 東北高亢西南平坦

山脈 東南北三面皆山均距縣城十數里遠近

河流 縣城東門外洵河下通天津發源在城東五里之瀝津莊

古蹟 平谷古屬漁陽郡在盤山之陰

風土 務農

人情 人情樸厚勤儉

物產 棉花

村鎮 共七十二村足三百家者僅四五村餘皆數十戶鎮無

直隸風土調查錄 順天府

遵化州

治地 統轄兩縣

地勢 北境多山地勢高亢南境皆平原

山脈 州東有鐵山距城五里州南有明月山距城二十里州東北有五峰山距城二十五里又有三臺山距城七十里

河流 州城西五里河出蛛腰嶺南出水門口又西爲十里河出冷嘴口匯蛛腰嶺迤西諸水出水門口城西北爲湯泉南流與魏進河湯河相合湯河水出鮎魚口西山南流與魏進河寒河相合魏進河水出鮎魚關向東南流與諸水合出水門口州城東北爲沙河向西南流合城西諸水出水門口全境水線以此口爲總匯之區出口之水入果河又城南灤河獨爲一支出茂陵山南流出黃台口往梁子河合入果河入玉田界與薊州運河相通

古蹟 古地爲古右北平城西關有田子春故里之碑名勝地以湯泉爲最

卽湯泉浴日其次勝水噴珠五峯毓秀明月銜山龍山積雪清泉繞郭黎
峪停雲均列入遵化勝景

風土 人多半業農

人情 人情樸厚

物產 北境多山以皮毛樹木爲大宗西南境以白米油糧爲大宗運往西
北出境果品有蘋果檳子柰梨棗榛栗核桃等類特別產有參鹿茸獐香
之類

村鎮 鎮有八處鐵冶廠距城東六十里東新莊距城西南三十里平安城
距城西南五十里左家塢距城東南八十里党峪距城南五十里石門距
城西六十里馬蘭峪距城西五十里新城距城西四十五里共八百八十
四村鎮

豐潤縣

治地 大縣

地勢 北部高亢南部卑溼中多平原

山脈 最大者爲腰帶山在縣城東北五十里山週五六十里

河流 還鄉河一名湏水發源於遷安縣黃山麓至崖兒山口入豐潤之東

北境繞縣城北西兩面西南流入玉田境

古蹟 縣城西南天宮寺有資生臺落雁塔又縣城南二十五里車軸山

峯有三層無樑閣

金石 縣城文廟有牛鼎鼎腹製四十一篆文又綠磁象樽

風土 風俗樸茂多務稼穡工商

人情 人尙潔儉多文雅

物產 五穀瓜菓類蒔棉花東菜

村鎮 分二十四鎮共九百六十九村

玉田縣

治地 中縣

地勢 北多山西南平原而卑溼

山脈 諸山多西拱燕山在城西北二十五里接豐潤界麻山在城北十五里一名古溪山古陽雍伯種玉處其碑巋然猶存

河流 境內大河曰薊運曰還鄉皆發源遷安縣界東西環繞流至寶坻界會歸焉

古蹟 玉田古人種玉處暖泉城南三里一名光沙泉泉湧沙出細白如面攻玉所用其水温冬則暖氣如霧

風土 北鄉人盡務農讀書者甚少習俗強悍南鄉士商者多謹守禮法而訟風特盛

人情 北帶崛強而愚悍俗尙儉樸質勝於文南帶人多智巧文風蔚盛人情雖厚而漸趨奢華

物產 草帽瓣潔白而細銷售頗多寬窄各布銷於北口棉花銷於東省北

村鎮 大鎮三曰林南倉窩洛沽鴉鴻橋小鎮四村七百餘其大者曰軒湖
甸東賈莊珠樹塢

直隸風土調查錄 遵化州

保定府

清苑縣

治地 大縣

地勢 坦平

山脈 縣治西五十餘里羣山並峙如狼山橋山等

河流 一畝泉河雞距河徐河唐河均經縣境

古蹟 樊輿城上谷八景

風土 士紳敦尙儉樸民俗務本不尙末作不能商販遠方務農

人情 人性寬舒尙氣任俠衣食樸素

物產 蕷薯白菜黃芽菜五穀等藥類之蒼耳兔絲子等

村鎮 共三百五十七村內有集市者二十六大大集市四

滿城縣

治地 小縣

地勢 境內西北多山東南多水西北高亢東南卑溼

山脈 陵山在縣西三里山勢東向（幾輔通志縣西三里有松山曰山多松樹考近時無此名目並無此山）抱陽山在縣西南十里山勢南拱青峪山在縣西二十里山勢東向石井山在縣西北二十里山勢南向白石山（俗名白大嶺）在縣西十五里山勢東向眺山在縣北三里巍然特立謁山在縣北七里山勢東出玉山在縣北十五里山勢東向荆山在縣西北十五里山勢東向九龍山在縣北二十里山勢南向環山在縣北二十里山環抱南向本境山脈起於西南趨於東北惟青峪山至石井山之間界河過焉荆山至九龍山之間徐水流焉

河流 奇村河在縣東十五里發源一畝泉（在縣東八里）東流至保定府曰府河方順河在縣南五十里源出完縣之蒲河曲逆河二河至境會爲一水至方順橋村西雞心閘（一閘之間形出如雞心）又分爲二支北支由通惠閘東流曰白草溝河南支由金線閘東流曰金線河白草溝至保

定府南關歸府河金線河至清苑縣東糧河橋入府河大冊河古之徐水源出廣昌縣五迴嶺入本境東流至安肅漕河店曰漕河又東至安州入府河

古蹟 陵山南阿有齊順王陵邑北門外有趙簡子祠縣東二十里賢臺村有燕昭王招賢臺亦曰黃金臺縣南四十里郭村曰郭隗故里（有碑在）又邑爲漢北平侯張蒼故里縣西吳家莊東南張蒼墓在焉抱陽山讀書堂爲唐張燕公讀書處一畝泉有村曰藻西莊宋程氏灝先世居此

金石 唐馮術墓誌（光緒三十一年出土存高小學校）抱陽山有宋繼志庵碑王才書又重修相公祠堂記趙遵恪書元顯公大禪師德行碑圓融慈濟大師宗政書崗頭村西有元張柔墓碑劉廣書城東村有元韓昌墓碑 碑 碑 碑 書 縣 署 門 西 有 元 抱 陽 山 禱 雨 記 碑 張 本 書

風土 習尙儉樸多業農

人情 人情質厚習於勤勞子弟多令入學校漸趨文明惟虛滑者亦間有

之

物產 棉花爲大宗沿山一帶村莊柿杏等果亦出焉

村鎮 境內分八鎮大冊營鎮北堡鎮方順橋鎮江城鎮大固店鎮奇村鎮
西莊鎮石井鎮共一百八十五村

安肅縣

治地 中縣

地勢 平原縣西北四十餘里有山數點與易州毗連

山脈 鳳凰山在縣西四十五里高出羣山形似故名象山在縣西四十三里高百餘丈亦取形類孟村嶺在縣西五十里嶺下產奇石堅潤有光土人往往掘得釜陽谷在縣西北四十五里俗號四釜山

河流 萍河在縣北二十里自田村鋪起至徐家莊流入安州瀑河在縣北關外發源易州石虎嶺由縣東興隆莊入新安淀漕河在縣南二十五里由滿城南韓營至縣東南于家莊入新安淀雞爪泉在縣北二里流至孤

莊營一帶種菜甚美世稱安肅菜卽此處所產也

風土 風俗質厚習尙勤勞人民多業士農而商工遜之

人情 樸實勤儉

物產 穀麥爲大宗棉花花生近來種植日多如曲水葫蘆象山瓜萁遂城
荊芥孤莊營黃芽菜(卽安肅菜)尤爲特品

村鎮 在城楊村漕河大因大王店遂城爲縣境六大鎮此外尙有二百六

十餘村

定興縣

治地 中縣

地勢 本邑城西城北地方多係平原去城三十里東南一帶地多卑溼

河流 西關外有拒馬河由涑境流入城西二十餘里有易水由易州境流

入兩河至北河村北匯流流至東南三十餘里入容城縣境

古蹟 定興古名范陽縣西有黃金臺縣西北二十五里有長安城漢宣帝

時幽州刺史李宣尙范陽公主懷長安乃築城以象之百樓城在縣西南二十五里今俗呼官城縣西南十餘里有看花臺乃元張宏範遊觀之所又縣西南有閭台相傳孔子轍環時過高林村止宿閭台適燕未果而反魯後人以遺迹所在因立廟焉

金石 西靳村古銅鐘一具其餘碑碣多不可考

風土 上元節城市多懸燈燃爆竹鼓吹笙歌或爲高躡鞦韆之戲五月五日居民簪艾葉食角黍以五彩縷繫小兒女臂謂之長命縷六月六日文人晒書籍婦人晒衣衾十月一日拜墓焚五色紙衣以事人者事鬼也十二月八日食棗粥米非一品果有數色至人民之職業務農桑勤紡織者居多

人情 民多質樸惟風氣未開尙不文明

物產 白麥爲大宗且最佳以外無特別物產

村鎮 六鎮二百五十二村莊若閭台村千戶上下平壘村五百餘戶易上

村四百餘戶其餘百戶以上者百餘村百戶以下者亦百餘村云

新城縣

治地 中縣

地勢 合屬地勢俱為平原無高亢卑溼之分

河流 倉上河在城北清河跨城東南增隄築壩屢次為患盧僧河大清河

別派也此外尚有驟馬河紫泉河

古蹟 縣東三十里為新昌故城西北為古燕城南關有昇仙橋其督亢亭

酈亭紫泉亭以及觀射臺梳粧樓等皆其名勝也

風土 新城為古幽燕之地風俗樸茂蹈禮義而服聲名民質樸勁勇不以

浮華為習而以耕織為生此其大概也

人情 士人文雅沈鷲而不狃於俗閭巷傭販之夫亦莫不堅悍不屈硜硜

然以急人為務故勁勇者可以義動椎魯者可以信結

物產 綜觀物產關於工業者有大柳可以製器其小柳可以製箕類關於

商業者不過麥梁花生等類而已其特別物產以紙草花爲大宗

村鎮 統計合屬村莊共數四百九十大村約計一百九十小村約計三百
合計鎮數共有十二大鎮四小鎮八

唐縣

治地 中縣

地勢 西北多山占地面十分之七八東南平原占地面十之二三

山脈 山之大者有恆山在縣西北由山西省縣互百餘里至倒馬關蜿蜒
而南界阜平處名大茂山距城百三十餘里又東南迤四十餘里名清虛
山距城九十里又東南迤三十餘里界完縣處名馬耳山距城六十里又
東南至孤山止距城十五里

河流 河之大者惟唐河亦名澹水在縣西三十里西霍水村西發源於渾
源州龍嘴村逕靈邱縣南過廣昌縣至走馬驛新城兒始入縣境曲折而
東至岳家臺出境約三十里許復入境經五里許又出境三十里許復入

境恆河發源於恆山南流百餘里又東流與唐河合再南流五十餘里至定州界二水出境

古蹟 有唐故城賈復城灌嬰城霸王橋秦甘羅墓宋楊業墓金張邦基墓明寇深墓之類

金石 有賈島碑唐靈源寺佛經碑之類

風土 習尚朴實男事耕耘女勤紡織

人情 人情忠厚勤儉耐勞古唐遺風猶存

物產 地畝之產五穀以外芝蔬爲大宗果實之產柿棗爲大宗

村鎮 八集鎮村二百五十六

博野縣

治地 小縣

地勢 四面平原惟圍城沙礫頗有凹凸之勢東南西北兩方土質土宜微別

河流 城南有河名豬龍由祁州入境貫蠡高而達前淀西北有乾河亦由祁州入境源雖塞夏秋亦泛溢爲患

古蹟 東漢設博陵縣後改博野魏晉改爲博陸後魏復爲博野今在保定正南九十里有程夫子祠還金井扁鵲墓等

風土 俗尙質樸人民務農者居多工藝商業俱不甚發達

人情 人情厚實儉而且勤惟不無質勝則野之狀況

物產 穀類惟不產稻南部多麥北部多棉果類惟棗杏桃梨

村鎮 村鎮共一百二十四北部有小店鎮楊村鎮南部有莊窠頭鎮程委鎮雖名爲鎮亦等尋常之貿易場

望都縣

治地 小縣

地勢 全縣地勢窪下稍膏腴者多屬旗地亦有望民賣於鄰邑者所存既

已無多而低窪之地每逢大雨時行又受唐縣山水廣利河之衝動輒淹

潦

山脈 邑之西北舊有伊祁山神孫山堯山粟山望都山今皆析入鄰邑

河流 環城有龍泉河一道其源由本地平地湧泉東入清苑縣界城西南

三里有湧魚泉

古蹟 古慶都地高小學校後院有堯母陵方圓百數十武高逾城牆天子

臺在邑東北隅二十里高二丈方圓十餘畝相傳光武爲王郎所迫登臺

眺望故名今廢子字改作紫字

金石 靈碑在五嶽廟其文宋主簿劉公郭撰高雄奧古雄出一世

風土 民間俗尙務農不以浮華爲習

人情 邑據要衝人情誠樸唐俗勤儉尙有古風

物產 五穀蔬果全邑皆生所產棗茄線麻行銷北口西省等處近年稍爲

種澁所奪鮮果以棗梨爲勝城南數村多有植者該數村視棗實之多寡

卜年歲之豐歉晒取乾棗行銷省垣等處

村鎮 統計望邑村疇共一百一十所其滿百戶者只有數村

附記 邑以叢爾一區介在衝途北拱京師南通九省誠扼要地也今京漢鐵路自東北來過滿城之方順橋爲一百七十三啓羅邁當入縣界西南行至第一百九十二啓羅邁當出境約計全縣戶口共一萬二千餘家男婦約六萬餘口奉天主耶穌兩教者近漸較多

容城縣

治地 小縣

地勢 地勢爲平原氣候溫和

山脈 邑之西北爲太行山脈之餘支相距約百五十里

河流 大清拒馬二河斜灌邑之東北境萍瀑二河斜灌邑之西南隅

古蹟 漢上谷郡昔有猶縣金容二名相傳劇村有劇辛塚白溝爲宋遼議和處邑東界有三台邑之八景內有古篆搖風白塔鳴鳴二奇景

風土 儒士好守舊平民多信鬼神職業務農者衆爲商者寡工業概無可

觀

人情 儒士好訟平民多尙儉樸

物產 動物牛馬羊猪等植物有栢桃杏梨葡萄等燒酒頗著名

村鎮 邑西小里鎮最大邑東白溝鎮最大五營八莊四十二村以午方村

胡村爲最大

完縣

治地 中縣

地勢 高亢

山脈 完之山自西南蜿蜒而來奇峯秀嶂圍繞城後在縣西北十八里有林尖山峯巔高聳其尖如林故名在縣西三十里有馬耳山二峯並峙插天形似馬耳故名在縣西二十里有伊祁山堯母所居生堯帝於此故名在縣西北四十里有白崖山峯巒聳秀四面多白石故名

河流 縣西境有曲逆河順流而東北有蒲陽河自北向西折而東注

古蹟 漢曰曲逆唐曰蒲陰宋曰徇忠後改北平軍元升完州大王子城世傳爲丹朱城陳侯村俗傳陳平墓在焉

金石 文廟內有隋碑一方

風土 風俗樸素尙氣節職業重農

人情 忠實樸厚勤儉而稍近鄙野

物產 棉花柿梨特產知母不灰木遠志

村鎮 四鎮一百四十村大村三十五中村六十五小村四十

蠡縣

治地 中縣

地勢 平原

河流 南豬龍河北唐河

古蹟 李恕谷墓紫微山七星臺鮑叔故里霍光墓

風土 農業林業

人情 儉樸

物產 土布木輪機

村鎮 四鎮二百五十二村莊

雄縣

治地 小縣

地勢 東北皆平原西南及東南卑溼

河流 域內有清河貫於其中由西北容城界達縣城之西南距城里餘復

折而之東流入保定境

古蹟 周世宗自將伐遼取瓦橋關卽是地故今南門外大橋名曰瓦濟橋

金石 縣城北距城十里有文山弔古碑碣

風土 俗尙纖儉善積聚人民重耕讀輕工商

人情 樸實勤儉爲半開化之區

物產 產豆麥黍稷高糧之類關於工商者有麻與棉花二種以火硝爲特

產然近因採辦官局限制而出產較前不及十分之二一

村鎮 所轄境內有二鎮曰留鎮曰史各莊鎮村之過五百戶者一曰龍灣

過百戶者二十三村不過百戶者八十餘村

祁州

治地 中州

地勢 平原而多沙磧

河流 城北有孝義河舊跡猶存城南有唐河沙河滋河皆由定州入祁境

至城東南軍誅村北三河歸一謂之三岔口以下爲豬龍河入深州安平

縣境

金石 南關藥王廟有鐵旗杆二株

風土 農業居其半士商居其半

人情 樸實

物產 以棉花穀子高粱豆麥爲大宗織土布者頗見興旺現大黃種植頗

多
村鎮 州治有四鎮大村莊八十三小村莊一百零二
東鹿縣

治地 大縣

地勢 平原

古蹟 傾井在縣治西傾井村相傳漢光武師行至此渴甚井自傾故名紅
草坡在縣治北舊城唐裨將張興墓所生之草皆紅色相傳爲忠血所化
云西梁城在縣治西南車城村爲古漢屬信都國今爲風沙所迷

金石 石塔在縣城南回生村金太和元年立今仍聳立

風土 人民多務農工商等業

人情 人情忠厚勇敢尙勤儉以學務發達較他邑爲最早故人民亦漸開
化

物產 皮毛氈毯織絨水膠五穀菜菓醬菜等

村鎮 四大鎮二百一十四村

安州

治地 中州

地勢 平原

河流 有依城河在治北自清苑縣流入更東入新安縣境

風土 人民奉公守法以耕織爲業

人情 樸厚

物產 五穀蒹葦

村鎮 鎮四村一百零四

高陽縣

治地 小縣

地勢 平原

河流 豬龍河

古蹟 萬木亭在縣北門外

風土 農業林業

人情 儉樸

物產 土布鐵輪機

村鎮 四鎮一百三十一村

直隸風土調查錄 保定府

易州

治地 統轄二縣

地勢 高亢

山脈 州北三十二里有馬頭山州西北四十里有奇峯嶺州西九十里有紫荊嶺又州西百里有五公山州西南百二十里有五迴嶺又州西南九
十里有朗山

河流 州北有濡水卽北易水也州南三十里有霍水卽南易水也州東五
里有五里河經范村南流入易水州西南八十里有雷溪卽徐河上流水
也

古蹟 州南五里有燕城又州南二十五里有古將臺州東南十六里有高
漸離故里州西南四十里有送荊徑

金石 治之南龍興觀前有石幢刻道德經註釋觀內有碑皆唐時蘇靈芝
書

風土 風土樸茂鮮事浮夸多事農業

人情 人情質樸勤務農桑游惰者少

物產 五穀大葉菸

村鎮 八鎮約有四百村

涑水縣

治地 小縣

地勢 地分六區北二區高亢中區南區西區平原東區卑溼

山脈 金山在縣西北四十里亭山在縣正北三十里釜山在縣西北三十

五里石圭山在縣西北二十五里龍門山在縣西北二百五十里

河流 拒馬河在縣東北二境

古蹟 遼縣故城基址在縣北二里板城廢縣在縣正北三十五里西崗塔

在縣城西北半里許

風土 質樸不事浮華務農士者十之六七務工商者十之二三

人情 忠厚勤儉多鄙野而少文華

物產 西北山皆出藥材北山出炭西山出石灰

村鎮 共三鎮山前一百五十二村山後巉巖錯雜人家散處大小約一百

餘村

廣昌縣

治地 中縣

地勢 高亢

山脈 四圍皆山東南大者名曰白石山北名黑石嶺西名驛馬嶺

河流 西南有澗水流入唐縣境有拒馬河發源城南里許合易水而流入

定興縣境

金石 遼鐘一口存城內閣院寺唐天寶年興文塔銘存東嶽行祠

風土 務農

人情 勤儉敦樸

物產 穀豆羊毛知母石髓石棉

村鎮 大村百餘小村二百餘

承德府

治地 統轄一廳一州三縣

地勢 山勢綿延盤結傾斜險峻時現高原氣候然有東南風至雨量尙可適宜每經暴雨山水猝發河力湍急可運巨大石塊遺於下流

山脈 陰山山脈自河套西北蜿蜒東走經圍場廳之北至隆化西北而爲大黑山距承德府治百八十里高二十餘丈週百餘里迤邐南下至府治西北四十五里而有黑山其稍東距府治五十里而有金山二山聳峭對峙承德附近諸山皆分脈四境萬山叢疊舉其大者在東南二百五十里有烏龍山(卽古盧龍塞)百八十里有尖帽山皆與遵化爲界東南百六十里有敵樓山四十里有五指山天橋山十二里有九華山東北十六里有磬錘峯東南有僧帽峯南有羅漢峯

河流 灤河源出獨石口北多倫諾爾廳巴音屯圖固爾山中東北流經廳南匯合衆流曲折行約八百里東南合庫爾奇勒河始名灤河又行經三

百七十餘里至石門而入府界又行四十七里經鳳凰嶺與熱河匯水至此益大更南行經百五十餘里中有白河柳河車河黃花川諸水自西來匯老牛河自東北來匯由是流經八十餘里入潘家口又行四百六十餘里至新橋口入海自河源至此共經二千餘里熱河源出察罕陀羅海距府治二百餘里流經固都爾達巴罕麓遂名固都爾呼河西南至中關與茅溝河合又南與賽音河湯泉合歷磬錘峯下山莊內之溫泉流出匯之始有熱河之名南流折而東復南入灤河其餘在南境源出霧靈山者有白河柴河柳河車河出東境有老牛河出東南境者有黃花川以上六水皆入灤河

金石 大輪禪師塔在五指山元至元二十四年碑沙門居實撰天宮禪院碑在敵樓山元至元二十六年僧顯月撰

古蹟 墨斗嶺 (宋王曾上契事過烏灤河又過墨斗嶺亦名度雲嶺長二十里許又北蕃地志稱北安州唐置墨斗軍使禦扞奚界) 尿溷帟② (錘

峯側石幢一不知何時所建鑄有四字如上）五指山寨（元史文天祥傳進攻北京傍近諸寨五指山楊昭努獨固守不下）

風土 習尚節文風俗多同京師人民雖從事農業而游惰多於內地人情 滿與漢不同城與鄉不同士與農不同最爲複雜不能詳列以所占數皆似相等也

物產 農產物小米蕎麥藥品荊芥防風赤芍苦參麝香鹿茸製造品花榆木桌木碗

村鎮 二十三保八十九甲（府治村落稀疎散碎無法分記舊例皆以保甲計之）

圍場廳

治地 大廳

地勢 高原居多平原卑溼之地甚居少數大蘇臺梁上終年石陰積雪不化蓋近冰雪線矣

山脈 陰山山脈綿亙西北由西北分二支向東者爲大素臺向南者爲鳳凰嶺及光頂山克勒嶺草帽梁曲折東向爲牛頭山蒼頭壩青羊山

河流 伊遜河發源於圍場內曲折南流入灤河奢立嘎河發源於草帽梁東北流入遼河

古蹟 圍場境乃古木蘭之區爲清帝秋巡狩之地外有東廟宮西廟宮等名勝又有半截塔

金石 清宣統元年由城西南藍旂掘出古石座一塊上刻大元國上都路興州等字

風土 風俗樸實人多務農

人情 人情儉樸該聽人民之成分皆來自他鄉禮俗性情近於複雜大致則儉樸而已

物產 物產穀麥豆麻蕎麥莜麥藍靛向以鴉片爲一大宗今已一律禁絕

有榛蘑蕨菜黃花山藥榛子各物

村鎮 共六鎮朝陽灣子銀窩溝太平地晁家地三道川四道川惟朝陽灣子係大鎮餘皆小鎮

灤平縣

治地 中縣

地勢 山地河灘十之七八餘則平原該縣南界邊牆地勢高亢然河皆南流西北境益冷可想而知也

山脈 東有雙塔山長三十里入承德府西有鳳凰山三百七十餘里入豐寧縣界南有饒首山東脈長三十餘里入承德界又接連蛇山偏西有駝峯青石嶺一百五十里至古北口界北有龜山一百餘里入隆化縣界其東脈三十里入承德界其西脈九十餘里入豐寧界其各山中間相距離多者不過五六里

河流 縣街外北有灤河自豐寧來由北而南而東南二百餘里流入承德界又有伊遜河由隆化縣來南流一百餘里入灤河縣西有興州河向東

流四十餘里入灤河又潮河自北而南百餘里流入古北口又湯河由北向南折而東而西入白河此三河皆來自豐寧又白河自獨石口南流至大水峪口八十餘里

古蹟 縣街南莊牌有土城俗傳爲宋時北藩蕭后所居之地近來爲旱河冲刷殆盡其地至今尙名土城境內有行宮四處一在縣治一在王家營一在三間房一在巴克什營

金石 縣西興州有得勝碑其字跡不可辨相傳明時之碑土人謂取其石研末能治腹痛

風土 習俗儉樸人民務農者衆其爲士者千分之一工商則百分之一人情 人尙忠誠勤謹不事繁華惟西南北三面距縣遠則未免野蠻

物產 染料烏葉藥材遠志川芎防風桔梗黃芩食物蜜杏仁干粉粉皮村鎮 大村則金溝屯鞍匠屯虎什哈湯河口其餘小村一百三十餘處

治地 大州

地勢 州治北六十里卽分水嶺爲地脊高亢之處西面多山而高平原甚少東面山少卑溼地頗多全州地勢山居其六水居其一平原僅居其三山脈 州境穿過之山脈係陰山之岔脈由西而東至州西北九十里突然而起高峯爲州境羣山之祖脈名曰永安山又名曰廣土山支脈甚多錯綜於州境內

河流 州境內大河有二以烏呼馬梁爲分水之山脊梁南之河曰瀑河（一名薄河一名寬河）南流歸入灤河梁北之河曰老河發源於廣土山蜿蜒而北由建平過響水入遼河二河之大皆衆山水匯成之川至青龍河之上流亦發源於州東南

古蹟 古名榆州國初設立八溝廳至清高宗四十三年改設平泉州因州街有清泉與地平其水甚旺因而名之州南二十里爲古會州城又南一百二十里爲寬城州北一百八十里有大名城乃古遼都也其城基每面

十里城內古塔三其二殘闕其極大者今尙宛在高三十二丈週圍三十
二丈誠奇觀也又有黑城各城基猶存

金石 街內有存古鐘一口尙未殘闕係元朝故物重八十斤繪有圖形又
有古印明洪武年置其文曰興州左屯衛右千戶所百戶印又古劍長三
尺有奇上有文曰九練神劍寶護字樣得於道虎溝土坎中古屍身上
風土 風俗古樸因旗漢回蒙雜處故習尙不一有浮囂者有頑鈍者人民
職業多以農工爲務

人情 北塞人情愚僿城鄉或尙禮文總核之樸厚勤儉者爲多游惰虛詐
者居少數

物產 州境以秫穀麻豆爲大宗產物至稻田近河有開者其蠶桑棉業初
見勸導有務之者山林所產有榛子榛蘑藥材等物至皮毛麻油頗多礦
產之中金銀煤而外又有墨晶水晶等件黑里河多出吸鐵石

村鎮 大鎮十處大小村三千餘處其散居之戶不成村鎮者難以歷舉

豐寧縣

治地 中縣

地勢 亂山環繞平原僅十分之二高亢居多數卑溼居少數

山脈 山脈皆向東南地無名山而峭壁絕巖不可勝數其尤著者距縣治

十五里有大黑山十里有馬鞍山

河流 大河惟灤河自多倫界入境直向東南出灤平界

古蹟 古安州地東北三里有山洞名曰寶蓋寺遊人春夏恆往觀眺

風土 風俗習尚樸實人民業農者居最多數業工商者次之業儒者居最

少數境西北有伊肯壩冬極寒重裘不能禦每年凍死七八人黃羊千百

成羣遊於藪澤

人情 人情昔稱厚實近今亦有漸趨虛薄之處在昔多屬勤儉近年微染

奢惰之習東南之人屬文西北之人屬野

物產 物產以羊毛羊絨五穀豆餅爲大宗而海留圖司近年出菜油甚多

可爲熱屬特別之物產

隆化縣
村鎮 共轄二百五十四牌係兩鎮大牌共九十三處小牌一百六十一處

治地 係由承德府豐寧縣二屬分出小縣也

地勢 山勢環遶地多高亢

山脈 縣治西二十里有蓮花山長數十里中多礦產東二里有印山南七里有磨盤山北十五里有鹿圈山西南六十里有筆架山南七十里有臺

山

河流 伊遜河自圍場廳入縣境一百餘里至灤平縣出境

古蹟 黃姑屯張三營中官十八里臺牛象皆有行宮

金石 土城子於光緒二十四年挖出大小銅鏡十餘枚及香爐等

風土 民務農業習俗樸儉旗人皆充兵徼尙浮華

人情 人情樸實多好儉齋讀書者少

物產 穀類以高粱小米爲大宗菓則榛子瓜子藥類則有防風黃芩赤芍
苦參等黃姑屯有煤窰二處金廠溝梁有瓷缸盆罐窰蓮花山出墨晶
村鎮 黃姑屯郭家屯張三營三司所駐之地皆有商業名之曰鎮外有二
百八十二牌

附記 該縣自清宣統二年二月始試辦設立諸皆草昧經營得人則治失
人則否尋常官吏未必庶績咸熙使民人感頌德政也

朝陽府

治地 原係縣治嗣於清光緒二十九年改爲府治統轄四縣

地勢 府北青溝一帶地勢稍較高亢全境無卑溼之區而平原之域實居多數

山脈 距府城稍近者東有鳳凰山稍遠者南有柏山再遠者北有大青山此皆山之最大者餘則亂山錯雜不可勝紀

河流 府城東門外有大凌河發源於府境以西之四靈宮東流至奉天義州南折而入於海延長約五百里按該河之源實出於建昌縣

古蹟 府治古龍城也係燕慕容氏都城之舊址城內有塔三座故治城俗名亦謂三座塔今則僅存二座

金石 府治以北狼山有遼金碑碣城內關帝廟有大遼碑碣然經年遠代湮風雨摧殘字亦半屬模糊不可徧識

風土 風俗尙屬樸厚習尙亦多節儉人民職業爲士爲商爲工而外爲農

者實居多數府南鏵子溝一帶地方講求蠶桑蓄養蜜蜂成效頗著府西北青溝孤山子溝一帶地方近年講求飼養銀鼠之法頗獲厚利

人情 人情大概尙實尙厚尙儉尙勤第以風氣初開教育未能普及所欠者野多而文少耳

物產 物產則以煤礦小米秫米棉花爲大宗餘則有金礦羊皮芝麻吉豆蕎麥合豆元豆江豆黍子小麥地芋梨棗桃杏葡萄等類此皆關於工商之業者也近產石絨一物質極堅韌實屬利用此特別物產也人言可作火浣布未知確否（在城西南百里外）

村鎮 鎮數二十有四村數約五千有餘大村少小村多

阜新縣

治地 本縣係割朝陽東北境就蒙古珍旗湯頭哈拉哈潮哈拉哈三旗之地改設爲縣縣治舊在西北境鄂爾土板清宣統三年夏移於新建縣治

地名水泉煤窑

地勢 東南兩面多平原西北兩面多高亢

山脈 著名大山縣東南曰閭山蜿蜒八十餘里縣西北百里外有艾里木頭山縣西七十里外有蓮花山古名青雲山山中有水風洞各一

河流 著名大水曰細河發源於縣治東北藍州馬廟山前西南流經過縣治八十餘里至吳家窰村南入奉天

古蹟 縣治西北五十餘里有古周昌城東北一百餘里有古顏良城正南三十餘里閭山內有古高麗城城裏有古塔三座

金石 古周昌城外有碑碣一上刻周昌文政宜民順義等縣里程又有銅印一顆係鐵杷杷上刻大定年製等字

風土 風俗純厚習尙質樸蒙古則迷信過深多以充當喇嘛爲榮耀人民務農者占多數間有牧畜之家

人情 樸實勤儉自變法之後入學者漢人極爲踴躍蒙古尙安於譫陋不變其舊習

物產 高糧谷子豆子蕎麥爲大宗並皮毛等物藥材則防風甘草等細河
下流沿岸多天產楊柳卑溼之地隨處而生數年卽成林薄

村鎮 大小集鎮七新縣治外以烏歡池清河門外爲最大三千餘村皆零
星小戶罕有過四十家者村落四周皆有土圍炮臺以防賊匪零星小村
則否

建昌縣

治地 中縣

地勢 東南地勢高亢卑溼之處甚少山嶺佔十之六水佔十之一平原不
過十之三

山脈 縣治西二里土人稱草帽子山是爲縣治之主山東五里土人稱廣
山是爲縣治之客山東南三十五里有金黃山延袤七十里又東南一百
八十里有月華山土人稱窟窿山極南有青山黑山歷年夏間票匪滋擾

多以該兩山爲逋逃藪

河流 縣屬河流之大者凡三一曰大凌河古名白狼水分三源一出縣東南之土心塔流行一百一十里至犛牛營子又行五十里至喀拉沁貝子府又行七十里至三臺小營一出縣西南之水泉子東流十八里至縣治南一出縣北之三官營子東南流十五里至縣治南二源合而東流七十里至大城子三源始會東北流入朝陽府境一曰青龍河自平泉州屬喀拉沁右翼東南二百里之昌吉爾岱山發源南流至列山梁之南入縣西境又經縣治南流至桃林口入邊一曰六州河亦名蒐濟河源出縣屬喀拉沁左翼東南七十里柏樹山之毛頭泊由縣東南藥王廟東流入奉天錦州府寧遠州境入海

古蹟 古名柳城清初內屬乾隆三年設塔子溝廳四十三年改設今縣屬喀拉沁旂左翼南境地距縣治東北七十里有利州故城廢址周四里元屬大寧路土人呼爲大城子城外有大小浮圖三亦名小三座塔利州城南十三里鳳翼莊有滿井其水清冷冬溫夏涼用之釀酒其味尤佳

金石 向產魚石近因無人掘採已不多見

風土 風俗質樸節儉漢蒙回雜居漢民尙讀書明理蒙民尙延僧誦經回民尙禁煙酒守教規綜之上流社會多開通下流社會重保守婦女以節義廉恥爲範圍天足會葬殤會正在實力提倡人民職業以農爲經以工商爲緯

人情 人情渾厚篤實鄉間皆力崇勤儉城治不免稍奢其普通之優點在文明其普通之劣點在文弱

物產 動物以豬羊雞犬爲大宗而騾馬牛驢等次之植物以穀糧菽黍薯芋白菜萊菔蔓菁梨棗葡萄爲大宗而棉靛煙麻絲及各種藥品等次之人工製造以燒酒爲大宗而毛頭紙家機布毡毯鹹菜皮毛絨鬃小條簾等次之

村鎮 縣屬劃全境爲十六區內分一城十五鄉一百八十六村共屯集二

十一處概不成鎮

建平縣

治地 由建昌平泉兩縣所屬之哈拉沁東王旂敖罕旂等地併設爲縣係中縣

地勢 北高南卑西南多平原卑溼東北山勢嵯峨多高亢之地西北境就老河北流之地言之又見低下

山脈 縣城之北十五里有兔躡山其上有淨屠一今已無存敖漢貝子府距城三百里北有鳳凰嶺石砬子迤北百里又有滕克里山

河流 全境有大河二一老哈河發源於平泉馬鞍山下自縣西而北蜿蜒至於響水入開魯縣約五百餘里一瀟河發源於縣城之南波羅科梁向縣北一百五十里小河沿與老哈河合

古蹟 係古惠州惠和城距縣北十五里老兔躡山下遼時阿保機俘漢人於此山下築城居之今尙有遺址在焉

金石 惠州城內現一石碣今存於柵欄營子喇嘛廟內

風土 風俗儉樸習尚守舊人民大半爲農北境蒙古人則講牧養牲畜人情樸實敦厚習勤儉者多質而少文知法不知恩又爲北方人之通情也南境牛象河梁與七家梁山嶺蜿蜒居民鮮少每歲臘月必有奉省馬賊行劫斷道每年皆飽載而歸幾成通例云

物產 物產大宗羊毛羊皮甘草防風瓜子剝里淖泡子素素產魚達魔廟泡子亦然與綏東功成廟泡子相連

村鎮 村鎮之大者硃象科夜不收北公營子四家子魁德素小河沿三官營子菜園子哈拉道口

綏東縣

治地 中縣乃就小庫倫奈曼二旗之地設立

地勢 地勢極高亢岡巒起伏平原極少北境尤多沙磧沙中有大泡子一

西連建平界

山脈 境內無著名大山以白音長罕西山爲大在縣治西一百里

河流 東境以叩河子爲最大西北境則有較量河俗名叫來河在奈曼王府前長約二百餘里半在建平境內

古蹟 縣治乃錫埒圖庫倫喇嘛王府一名勝也古時曾屬朝鮮然第出自傳聞

風土 風俗樸儉習尙敦龐蒙古人眠無衾裯食無蔬菜北境有以蹦蹦爲廬室者生業則恃游牧南境漸有農業惟不甚多棄地彌望皆是一圓銀十畝尙無人購以沙多無出產故也

人情 野蠻而惰智識極幼稚蒙古俗信鬼神大廟鬧包所在多有普通人情多數好佛誦經而又愛小男女界限不嚴故有佛心賊眼忘八命之謠漢人異於是然亦蠢疎甚

物產 五穀以糜子蕎麥爲大宗貨則有紅碱白碱藥則有麻黃甘草大泡子產魚大而鮮美運往奉天託名江魚商業以七八月馬市爲最繁盛買賣多至數十萬匹眞聚處也該縣地質鬆沙耕種無利如栽山西大棗土

性最宜惜無人提倡興此大利也

村鎮 本街外以鄂爾土板大清他拉爲二鎮村數不滿百且少大者

赤峯州

治地 統轄二縣

地勢 地勢高亢氣候偏寒西境山漸高峻地漸狹窄惟民間房舍多有瓦屋不似東境之概是土房矣

山脈 紅山在州治東北五里鄂博山在州治南數里與紅山對峙蒙古以爲望祀之所故名

河流 英金河源出圍場內都呼岱山入州屬西北翁牛特境東南流一百四十里會西爾哈河又東流八十里經察罕陀羅海之東入建昌縣境與老河會東流會潢河卽古饒樂河也錫伯河源出平泉州屬喀喇沁右翼西一百餘里察罕陀羅海山之東東流逕右翼之南又東北入翁牛特右翼境會西爾哈河入英金河老河在州東南隅由平泉州發源北流入州境經翁牛特左翼南境入建昌縣界

古蹟 松州故城元一統志赤峯爲松州境遮蓋山亦名阿圭山在州屬翁

牛特右翼南三十餘里入山十餘里有洞寬不及二丈高丈餘土人稱爲大碾子洞中有石佛像及阿難伽葉像其兩崖石壁亦俱鑿成佛像有金皇統三年劉子初撰遮蓋山靈峯院千佛洞碑烏丹城在州境城基高五尺周六里所存東西二門亦當爲遼金時州縣之遺址城中有廢塔又有斷碑一字已殘闕惟魯國大長公主字可辨城南七里地名烏蘭板有魯國公主媵臣準臺墓蓋此地元時爲魯藩分地也

金石 巴林石出州屬林西縣境內紅白各色兼而有之其潤如玉惟色之光瑩質之堅凝較玉稍遜

風土 風俗樸實惟地居沙漠開化較遲人民職業工則製作不精農則狃於舊習不知逐漸改良以地處偏隅故也

人情 州治本借蒙地設官蒙古爲土著漢人回民均係客籍蒙古外樸實

而內譎詐漢人則原籍山東者居多數山西次之京東人又次之雖五方雜處良莠不齊惟風俗人情較內地不甚懸殊

物產 皮張羊毛每年銷數約值銀二十餘萬金蘑菇亦作麼菰菌之屬形如猴頭者良呼曰口蘑又曰營盤蘑以屯營之地糞壤肥沃所產尤鮮美又謂之曰沙菌卽白蘑也甘草叢生山野間土人均諳採掇關內人亦每到關外收取

村鎮 鎮二一烏丹城距州街一百八十里清宣統元年奏設州判一缺一大廟距州街一百四十里清嘉慶十七年建縣丞署宣統元年改爲巡檢村莊共計一千九百八十餘村

附記 該州治街六道皆長十餘里商業極盛四鄉村落則零星貧苦人皆云境內菁華盡在州治信然人情雖與內地相同每年以劫盜斬決之犯恆在百名上下則其野蠻慆悍之性實有未易馴者在也

開魯縣

治地 小縣

地勢 平原卑溼

山脈 北有老山距城二百餘里

河流 老哈河忽漲忽落不通船隻

風土 蒙民以牛羊爲業客民農商各半

人情 蒙民儉而惰客民勤而刁

物產 瓜子綠豆膏粱甘草

村鎮 蒙漢散居不成村鎮

林西縣

治地 中縣

地勢 高亢卑溼者少

山脈 大青山距縣東北一百八十里哈拉干漢山距縣北一百二十里崇

慶谷距縣北七十里

河流 沙力漠河距縣南一百里察干沐淪河距縣東六十里

風土 業農者多經商者次之

人情 縣係蒙荒新墾所有縣民多係領地之戶尙樸實勤儉惟讀書者無多

物產 縣治與蒙旗毗連物產以牛皮羊皮羊毛爲大宗漢民以小麥爲大宗糜黍穀次之

村鎮 林西係新設縣治除縣基之外原留五鎮因人民稀少迄未成立近將縣治劃分肆鄉十一區可稱村者共三十七

直隸風土調查錄 赤峯州

永平府

盧龍縣

治地 中縣

地勢 東北一帶高亢灤河兩岸多平原

山脈 縣北依長城踞盧龍山脈上由盧龍山脈南趨於縣境內者可分

二脈一由桃林口南行至縣治東二十七里爲部落嶺再南行接昌黎縣之碣石山一由西北遷安縣界夾灤河而南下至縣治南三十五里處有

佛洞山一名窟窿山高百餘丈再南入灤州境

河流 灤河自潘家口向東南流入經遷安縣入本縣界至縣治西南二里

會青龍河又南行入灤州境青龍河源出長城北之都山南流入縣境至

縣治西南二里入灤河

古蹟 永平古爲孤竹國城內有夷齊故里牌坊又名古北平郡城之南街

有石塔一座高三丈餘大可三圍共八層制造精工塔上刻銘乃大定年

重修郡城西二十里許灤河西岸上有夷齊廟左列清風臺清乾道年御筆碑記詩句甚夥旁小山上又孤竹君廟在焉城南十二里有虎頭石相傳漢飛將軍李廣射石沒羽處石在山腰形狀宛肖明季崇禎年永平兵備道張公諱春遺愛在民今縣署東關帝廟內西廂昭忠祠有塑像城北十五里張莊毛莊間建專祠附近百姓春秋致祭城北門外菊花臺畔有夷齊井城內上水關有蒙恬井府城東五里驢槽莊後有石如槽東轉而北有小河名爲仙河流雖細冬夏不涸相傳謂果老飲驢於此

金石 北門外夷齊井旁碑崇正初郡守陳立其文曰有冽者泉在城之陰鑿井而甘浚池而深柳色花香式暢予襟夷齊飲此當不易心今雖壞尙存府署東南隅有鼓樓一座內設銅壺地漏今雖殘缺遺器尙存府城西南十數里有武山綿亙不絕中多細石其尤細者勒碑甚佳

風土 風俗樸素尙讀尙農者多商業不甚發達工匠亦少精巧近來頗有

能用機器織布疋與洋貨無相上下者

人情 人心古道猶存民情儉而不奢文而不野

物產 縣境並無大宗物產有關工商僅有桑麻可供應用

村鎮 人口五萬者爲鎮盧邑無此鎮所謂鎮者不過有集期而已鎮八村

四百二十大村約居三分之一

遷安縣

治地 中縣

地勢 高亢平原不等

山脈 縣城北暨西北距城七八十里不等有都山景忠山五虎山

河流 縣城西北暨東北距城五里至三十五里不等有灤河青龍河

古蹟 商爲孤竹國地秦爲離支縣漢稱令支晉爲遼西郡治隋爲盧龍縣

唐仍之遼爲安喜縣金更名遷安縣元明迄今沿用之古人遺蹟有袁李

洞在五虎山旁世傳袁達李牧學道處

金石 景忠山有金佛一尊重十六觔四兩景泰藍香爐一具

風土 風俗尙質人民多係業農

人情 樸實耐勞多近文明

物產 絲麻桑皮紙梨粟落花生最多

村鎮 十四鎮一千一百九十三村

撫寧縣

治地 中縣

地勢 地勢西北多山東南臨海

山脈 西北境之大山曰老嶺距城九十里其山之去脈蔓延數百里東至

山海關南至天馬山距城二十里城西十里有兔耳山其發脈由昌黎之

碣石

河流 本縣之大河曰洋河發源於界嶺口距城百餘里其流域由縣北繞

縣西南入海

古蹟 古遼西地北邊有明總兵戚繼光所修敵樓數百座

金石 城北天馬山有戚繼光所書海天在目天馬行空等字刊於石上
風土 風俗樸厚習尙農商

人情 人情尙實儉而不奢勤而不惰邇日漸近文明

物產 高粱棉花果木其特別之物產北口外之金礦馬各莊之石灰

村鎮 大鎮有四村莊六百五十餘

昌黎縣

治地 中縣

地勢 西北高亢東南卑溼腹地盡屬平原

山脈 西北自盧龍撫寧界一帶山脈蜿蜒而來至治城背面之盡處曰碣

石山

河流 縣界東南濱海距治城西七十餘里曰灤河由石門西南流數里復
分兩支一支經套裏堡石各堡入海一沿灤州樂亭之東北界爲昌黎之
西南界入海又腹地之大河曰飲馬河源出盧龍縣桃花峪自縣西北三

十五里入昌黎境斜貫治城西南東三面入海

古蹟 古人遺蹟城內韓文公祠有石勒文公鳶飛魚躍四字時人摹勒者甚夥又有磚塔高數丈相傳自金時建築列爲昌黎八景之一城北有水岩寺及東五峯之范公祠城西石佛洞則皆名勝地也

風土 自鐵路橫貫境內風俗漸覺開通人民職業農居十之七八執工商業者十之二三

人情 人情朴厚勤儉文化日見發達

物產 物產之關於工商業者如武山之青石分山之蘋果鳳凰山之白梨五里營之葡萄及棗其大宗也

村鎮 全境分六大鎮大村莊二百四十小村莊三百六十六共計六百零

六

灤州

治地 大州

地勢 灤州北境多山係屬高亢西北境多河流平原南境皆平原卑溼

山脈 州境之山脈有三一在城北自橫山至鳳凰山東西約四十里一在城西迤北自巍峯山至風山東西距四十餘里一在城西迤北自羅家嶺至鑷刀坡自東北至西南相距四十里再州境西隅有唐山亮甲山鐵菩薩山等

河流 州境河流有四一灤河自盧龍蜿蜒而來至蔡家營分爲二股東股南流由樂亭界入海西股至蠶沙口莊西入海一爲小青龍河自形各莊發源南流入海一岳家河發源茨榆坨北西南流經曾家灣西北下流海灘入於海一沙河發源遷安縣西南草來子屯西南流入豐潤界一在城西百二十里下流爲犢牛河在榛子鎮東下流爲陡河由稻地南入豐潤界此係河之大者也

古蹟 城北有偏涼閣清高宗東巡駐蹕因舊基爲行宮治城殷爲黃洛城係武丁後析孤竹之黃洛以封諸侯播鼓臺在治城西百里係漢武求

仙之處後人於此播鼓禦敵故號爲播鼓臺

金石 鐵菩薩山有鐵菩薩一尊高約丈五偏涼虛閣北有清高宗御書碑記

風土 灤境風俗尙儉樸而少虛文人民營業近海者以漁業晒鹽爲生活其餘則務農業者居多數矣

人情 灤境西北多山人之性質武勇西南多水人之資質聰穎至京奉鐵路附近之處開化最早熱心教育者多出於此

物產 灤境煤鑛有三唐山鎮開平區內馬家溝林西等處開平區有東西缸窰沿海一帶有利漁業鹽灘此三者於工商大有利益皆人民賴以謀生者風山之上尤有特產山中有頑鐵如牛半在土內愈掘愈深卒莫能起大約係鐵礦之苗惜無礦師考驗以開財源甚可惜也

村鎮 灤境大鎮有唐山開平稻地倂城榛子鎮其餘若馬城安各莊長凝石佛口石佛莊張各莊連北店茨榆坨扒齒港高各莊王家店司集莊胡

各莊栗園洛家營坨里柏各莊曾家灣古冶等則均次之村莊一千七百有餘大者約有三分之一其數目之繁則不勝枚舉矣

樂亭縣

治地 中縣

地勢 平原

河流 灤河直貫全境南濱渤海

古蹟 今縣署元志溟州祥雲島旁有扳倒井俗傳唐太宗征遼東經此求水器不得薛仁貴以手扳井井敞而水出昌國署元屯田署

金石 文廟有元碑一福嚴寺有元碑二

風土 商業居多

人情 浮靡

物產 鹽刀布

村鎮 五鎮七百餘村

臨榆縣

治地 中縣

地勢 西北多高原西南多平原

山脈 北方近山名角山距城六里北方遠山名鐘樓嶺距城百二十里全

境西北方多山

河流 渝河圍繞城西距城二里脈自北口外南流入海全境西北方多水

古蹟 姜女墳距城東南二十里鄧林釣臺距城西北五十里

風土 士習素敦禮讓人多商賈東省

人情 人心實厚

物產 石灰木炭黑炸黃絲山果海魚松木藥材

村鎮 四鎮五百一十二村小村居多數

河間府

河間縣

治地 中縣

地勢 平原

河流 沙河在城東四十里

古蹟 城內有蒲榮臺高陽臺瀛臺城外有毛精壘孝子墓

金石 城內有石塔俗名無頂塔上有明代刻文字甚古勁又城北三十里

鋪毛公寺有君子磚可作硯好古者多寶藏之現已不易得矣

風土 務農儉樸

人情 忠厚勤儉

物產 梨棗花生早韭晚菘五穀草帽瓣棉花綫

村鎮 鎮四景河東城北魏臥佛堂全縣七百餘村

獻縣

治地 中縣

地勢 平原

河流 釜陽河自武強入縣境行三十餘里由治城西迤北會子牙河入河

間界新開河長三十三里自饒陽引滹沱河入縣境與釜陽河匯爲子牙河

古蹟 漢獻王陵在城東十里陵上有祠

風土 縣境西南東北延袤近二百里風俗習慣不一大約獨力營業者多
共同營業者少職業務農者多經商者少

人情 人情近儉樸篤厚詩禮舊族頗饒文采然僅居少數

物產 物產以梨棗爲大宗製造物以草帽辮爲大宗

村鎮 鎮八村落九百有餘

阜城縣

治地 小縣

地勢 平原

古蹟 趙簡子城在縣治東蒲領城在縣治東北皇殿在縣東北二里爲明成祖駐蹕之所琴臺在縣西城垣下嵇康拊琴處留駕井在縣治南十二里漢光武駐蹕處

風土 風俗禮讓有鄒魯之遺習大率多務耕織

人情 人情樸實忠厚勤儉尤爲特長

物產 物產以米麥爲大宗其關於工商之物產則有棉花花生葡萄梨棗等物

村鎮 四鎮三百餘村小者居多數

肅寧縣

治地 小縣

地勢 平原地多東北卑下

古蹟 城東南十二里有漢武垣城舊趾周迴十六里相傳武帝東巡時得

趙氏女於武垣城是謂鉤弋夫人又城北附近有土埠名望夫臺宋楊延昭久屯邊關未嘗問家事凡二十餘年契丹憚之其妻玉環女嘗登平魯塞北土埠北望關戍以寄貞一之思迄今其臺址猶存

金石 城北里許有魏狀元墓碑載魏狀元諱元禮字廷訓元至正庚子廷試第一明太祖訪遺賢徵授翰林院修撰

風土 士專經術民務農桑

人情 人多質朴勤儉不尚奢華

物產 五穀木棉花生薯蕷(俗名山藥)

村鎮 城東梁家村城東南韓村城北大史堤城西傅家佐是爲四鎮

任邱縣

治地 中縣

地勢 平原

河流 城北五十里有清河西北五十里有豬龍河白洋淀城東二十里有

古洋河縱貫縣境因上游閉塞河身俱變爲良田

古蹟 城北四十里鄭州鎮古鄭國也在周時爲燕之附庸城東二十五里陵城村卽漢阿陵縣鄭陵皆有古城舊跡城北五十里有扁鵲祠城南十二里有韓嬰墓城北三十里有邢昺墓（任邱漢平帝時中郎將元始二年築城遂以爲名城西里許有任將軍墓）

金石 韓嬰墓前有清高宗御碑

風土 俗尙勤儉民務耕耘

人情 人情篤厚文化半開

物產 五穀皆產以麥爲大宗關於工業者有白藤草棉葦

村鎮 共十二鎮分三大四小五中外有三百四十九村

· 交河縣

治地 中縣

地勢 平原

河流 城東十餘里有老漳河故道再東離城五十里有運河

風土 人民多業農風俗尙武

人情 人情在厚薄之間尙勤儉少文好訟

物產 棗梨爲出產大宗

村鎮 有泊鎮富莊驛高川郝村四大鎮泊鎮爲首富莊驛次之高川郝村
又次之村莊大小共七百餘村

寧津縣

治地 中縣

地勢 平原

河流 古黃河在縣城西北

古蹟 隋隄在縣西北三十五里相傳煬帝曾駐蹕於此胡蘇亭址在縣西

二十五里包頭店

金石 商庚午父乙鼎藏城南王莊吳氏家周魯公觚亦藏吳氏家貞觀筆

洗張秀莊人掘土得之藏李氏家金大定孟蘭盆藏和莊李氏家

風土 人性質直尙儉約勤稼穡織紝

人情 人情敦厚無浮末之習

物產 線帶棉花落花生

村鎮 村數共計八百四十一內大鎮四

景州

治地 中州

地勢 平原

河流 州城東運河相距十八里

古蹟 開福寺古塔高二十八丈亞夫墓高允墓董仲舒祠旁景賢臺賈島

祭詩處雲蓋寺

金石 明成化年鼎爐三存開福寺

風土 士專經術民務耕耘近年有出外營商者

人情 人情樸實節儉耐勞頗近慷慨

物產 棉布梨棗五穀喇嘛西瓜車前子益母草夏枯草透骨草按喇嘛西瓜爲該州特別之產形長皮厚味極甘美蓄之可以逾冬

村鎮 四大鎮八百餘村

吳橋縣

治地 中縣

地勢 平原

河流 運河在縣城西北南自安陵起北至東光界止三十二里

風土 務農者十有七八務工商者十有一二

人情 誠實忠厚勤儉者十有八九虛詐刻薄奢惰者十有一二

物產 約產棉花五百萬之譜

村鎮 鎮一處大村八十二處中村三百一十八處小村一百八十二處

東光縣

治地 中縣

地勢 平原

河流 城西三里運河直貫南北

金石 城內西南隅有普照寺又名鐵佛寺中有北宋時鐵佛長二丈五尺

圍圓一丈五尺座下有井深百丈背後有古銅獸一俗呼爲銅犼約重百

斤

風土 務農業者十分之七八務商業者十分之二三

人情 信實而勤儉者居十分之七八至於風氣之開化惟東區遠遜於他

區

物產 棉花梨

村鎮 三大鎮五小鎮大小六百七十二村

故城縣

治地 小縣

地勢 多高亢少平原

河流 縣治西南濱臨衛河自山東武城縣界入境至山東德州界出境蜿蜒三十餘里

古蹟 城內有佛頭井一眼城西北有董學村爲董仲舒故里相傳卽董子下帷處又有寶堡店相傳爲寶建德駐兵處

風土 俗尙簡樸人民多事農業商讀次之工又次之

人情 人情較厚尙勤儉

物產 五穀近有種花生西瓜打瓜（俗名瓢不甘美子大可食）等類者均運往天津銷售

村鎮 闔縣村莊二百四十鎮二一爲鄭家口商業繁盛居民千戶一爲三朗鎮居戶四百多務耕耘

天津府

天津縣

治地 中縣

地勢 地處九河尾閘卑溼之區占多數

河流 衛河卽南運河由縣西碾坨嘴入境又白河卽北運河由縣西北淖溝入境子牙河由楊柳青家後入境至紅橋會北運河東南流與南運河會於三岔河是爲海河蜿蜒至大沽口入海

古蹟 軍糧城元海運屯糧處明費宮人故里在城內今圯海光寺清聖祖駐蹕處烈女墓在西關大街其他如九河故道志乘考證綦詳今已不可見

金石 海光寺玉鉢清聖祖所賜現存望海寺碑碣古器無甚著者

風土 風俗開通人知尙義居民多業鹽及行商者

人情 好講虛文而天性多厚不肯輕越禮法惟五方雜處日就奢靡文明

之程度雖覺日高而生計之艱難亦日甚矣

物產 鹽白菜魚稻米燒酒愛國布年畫北洋鐵工廠及民立第四工廠之鐵器邇來開設商場數處頗具競爭氣象但外貨幾占十之七八市塵亦然足徵本國製造之亟宜研究也

村鎮 鎮一村三百七十八自治成立劃全縣境爲一城一鎮四十鄉

青縣

治地 中縣

地勢 平原

山脈 縣境無山而舊志所載中山西山今無

河流 南運河三支黑龍江(東中西)泗河啞叭河清河滹沱河減河以運河爲最大

古蹟 古地名爲清州又名永安郡一名參戶參戶故城空城興濟廢縣蘆台故城其中有峭帆亭存焉

金石 興濟有流佛寺銅質像丈六尺今仍存

風土 武藝文學均崇尚但未能造至極點技術不精忠義廉節仁讓信實均知力行人民業農者居多數

人情 人情實厚頗能勤儉不事浮文

物產 五穀果品各種均產以草帽縵爲特別之物產

村鎮 縣屬十二鎮四百八十村鎮以興濟爲巨擘

靜海縣

治地 中縣

地勢 地近海濱田多卑溼每當淫雨汎濫時虞至南運河以西之地介乎南運子牙兩河之間潰決之災數見不鮮所幸庚子以後尙稱中稔

河流 南運河自邑南一里屯入境至邑北胡羊莊出境計長一百一十餘里子牙河自邑西南青靜交界處入境至邑西北當城村出境計長八十

五里

金石 邑南雙塘村高氏家藏高爾修聖教序碑書法秀勁邑人寶之

風土 風俗質樸拙於謀生日用所需半唯農田是賴至於工商兩業均不發達

人情 士習溫文民風儉約周旋揖讓時見古風地瘠民貧奢華自免因知瘠土之於民殆亦造民儉約之良工廠也

物產 五穀蔬果酒醋

村鎮 大鎮二小鎮三大村三百五十餘小村三十餘

滄州

治地 中州

地勢 地本平原以地勢而論西南高亢東北卑溼實緣東瀕滄海又爲河流入海之尾閭故地勢窪下

河流 一運河南自磚河鎮南皮縣界起北至褚官屯青縣界止計長七十一餘里一減河在捷地西南開口起斜向東北入海計長一百八十九里一

宣惠河在南皮縣界起由西直東入鹽山縣界燕子窪止計長三十餘里
一石碑河自蔡家窪由西南向東北入海計長一百六七十里

古蹟 滄縣漢爲渤海郡唐爲景城郡元明爲滄州前清雍正初升直隸州
尋改隸天津府狼烟臺在城內東北隅周世宗建以爲邊堠卽今文昌祠
臺朗吟樓在運河東岸上有複道清高宗南巡曾題詩泐石以紀其勝今
樓廢石存

金石 舊州鎮鐵獅子高一丈七尺長一丈六尺王僧墓誌在南鄉張旂屯
王紳家保存刁公墓誌在南皮縣張紳家保存

風土 川原衍沃風土淳厚俗尙儉樸民力農桑近年學校林立士氣丕新
實業振興工商發達人民職業較前大有進益

人情 人民崇尚誠篤絕無澆漓浮華之習其農工商賈雖有盈餘仍好勤
勞其文明士族雖極寒素亦喜讀書以故性情純厚猶有古之遺風焉

物產 谷麥而外惟魚鹽爲大宗其次冬菜草帽二種運銷南省及緬甸等

處實爲近年物產發達之特色

村鎮 城鎮十大村一百六十小村四百六十五

鹽山縣

治地 中縣

地勢 平原

河流 宣惠河在城南十餘里西接滄境東入於海無棣溝在城南三十餘

里西接滄境東入於海

古蹟 甘羅城漢武帝臺

金石 來鐘寺之鐘銘鐵瓦廟之鐵瓦真武廟之琉璃供桌

風土 俗尙耕織

人情 勤儉樸實

物產 小棗草帽瓣棉花小麥

村鎮 合邑六百餘村內有大鎮四

南皮縣

治地 中縣

地勢 縣城東五十里多高亢之地餘盡屬平原

河流 縣城西北兩方面距二十五里有運糧河

古蹟 縣城西相距二十里有釣魚臺縣城東相距六十里有刁公樓

金石 周時尹吉甫墓在縣城西

風土 農業頗盛

人情 俗尙質樸勤儉

物產 棉豆居多

村鎮 村數四百五十

慶雲縣

治地 小縣

地勢 縣城西稍高南北地勢平原東面卑溼

河流 縣城南臨鬲津又南二十餘里有馬頰河今皆淤塞不通

古蹟 有石佛像二具佛座均刻有文字一爲北齊天保八年造一爲北齊

武平六年造其石質字迹確是六朝舊物

金石 城內銅佛寺內有銅佛六尊鑄工極工緻

風土 風俗敦厚習尙質樸民多以務農爲業

人情 樸實勤儉

物產 金絲小紅棗爲物產之大宗

村鎮 四鎮三百七十餘村

正定府

正定縣

治地 中縣

地勢 西北高亢東南卑溼然均係平原

河流 滹沱河在縣治南十餘里自縣西白店村入境發源於山西

古蹟 古趙地有東垣之名隋置常山縣卽今之正定也治內有龍騰苑陽

和樓韓信洞華塔各遺蹟

金石 城內有唐李寶臣紀功碑龍藏寺隋碑燕壽星石刻宋朱晦翁容膝

石刻舍利寺王瑄石刻今尙存

風土 地瘠人衆軍民雜處城內喪尙佛祭四鄉較少大率性多敦厚以耕

織爲業

人情 南境土地肥美讀書者尙多人情文而柔治東西北非卑溼卽沙漠
讀書者甚少人情樸而野均之地瘠民貧非勤儉不能餬口大率浮薄奢

侈者甚屬寥寥

物產 近來地皆穿井以穀麥棉花爲大宗

村鎮 有集市者十餘村餘大小二百有零村無大鎮

獲鹿縣

治地 中縣

地勢 西境一帶負山地勢高亢東南卑溼正東平原

山脈 城西六七里卽多山互南北數百里不絕卽常山大行山脈相距遠

近不等

河流 井陘水在縣東北

古蹟 城東趙陵鋪有趙佗先塚城西五里有土門村卽古之井陘口韓信

伐趙出井陘口是也

金石 碑碣以本願寺金剛經舍利塔三門碑陀羅尼經石幢爲最古唐開

元間物

風土 俗尙儉樸民以耕織蠶桑爲職業

人情 人情虛實厚薄無甚懸殊惟東南一帶村莊地較肥美奢而多文西

北一帶負山地瘠民貧儉而多勤苦

物產 物產之大宗以棉布爲最絲次之特別物產若青石碑碣沙石碾磨
之類

村鎮 舊稱集鎮者六村數共二百有零

附記 治東五里有山名海山山石層層起片石紋多柏形枝葉悉備雨後

尤顯

井陘縣

治地 中縣

地勢 全境地勢有高亢而無卑溼西及西南一帶尤屬峻險惟東北區間
有平原地然不過一小部分耳

山脈 太行山自南來井陘居其東偏其山脈分爲東西兩支大支在西介

於平定州井陘之間縣治西北二十里有大台山爲羣山主點自大台山北行三十里盤結爲觀音山特挺奇峯高出羣山之上又爲北數區之主點東支介井陘獲鹿之間由蒼巖山而北盤結爲割髭嶺西北距縣治五十里又北而挺起爲西屏山在縣治東五十五里又北行三十里匯結爲掛雲山在縣治東北六十里是爲東北區之主點

河流 井陘有大河二一綿蔓河一甘洵河綿蔓發源山西平定州綿山東流歷娘子關入縣境過大台山南麓至龍泉峪折西南而東北繞乏驢嶺至蔡莊轉南繞城南折而東北至西河轉南而東歷橫口鎮有甘洵河自南來會甘洵河源出山西平定州松子嶺歷縣界楊莊口北流至橫口與綿蔓河合流至微水有金珠泉合鵝毛泉自東南來注北流至威州鎮有溫泉自東來注又北流至孟堡出縣境達平山縣治北入滹沱河綿蔓河在縣境長一百里甘洵河長五十里

古蹟 縣西南三十里有靈真城相傳韓信下趙隨蛇迹開道而行因築城

曰靈真縣東南十五里秀林村古爲秀林城元魏葛榮遣王秀林守此築城故云縣北七十里樂陽村古爲樂陽城漢高帝置縣屬恆山郡縣東三十里微水村有背水陣卽韓信張耳破趙軍處縣南六十里孤台莊卽程嬰藏趙孤處縣南七十里有說法台相傳爲隋妙陽公主說法處至於樓臺名勝境內無多惟縣東南七十里蒼巖山層巒疊障壁立萬仞橋樓結構空中廟宇輝煌崖裏古木環圍煙雲縹緲宛如畫圖謂之名勝自屬名稱其實此外尙有距城附近之雪花山河東塔地勢高峻幽雅亦差可遊觀

風土 井陘地瘠民窮故風俗習尙雖間失之鄙野而質魯簡樸直道尙存似亦不無可取至人民職業務農者十居七八民貧乏本不能爲大貿易商業一途無足稱者工業一事從事者尙非無人但山陬僻壤聞見不多未能改良胡由發達士苦於貧乏者多能專心學業力圖上進者不易多得近今風氣稍開就學人數逐漸增加學務前途或有可望

人情 全境人情大區別之爲二東南一帶人情虛薄怠惰其所長在儉而文西北一帶人情篤厚勤勞其所短在奢而野

物產 井邑物產關於工商業者煤礦爲一大宗石灰木炭次之香末藥料次之荊器磁器瓦器等件又次之縣東南六十里金柱嶺出不灰可爲製造火爐之用以外無所謂特別物產

村鎮 井邑除城關而外凡八鎮二百五十七村八鎮卽橫澗天護威州馬山賈莊橫口王莊微水是也八鎮之中橫澗威州賈莊橫口市面戶口尙屬發達餘均無足錄村之大者不及全村數十之一如牛馬山上下安南寨等村俱稱大村然其戶數亦不過七八百或五六百之譜外此則平均戶數約在百戶上下而已

附記 正太鐵路自縣東頭泉村東界入境向西十里過上安又西十里過白王莊入山洞出至微水南鵝毛泉又南行十里至南橫口又西十里經西河又五里至東窰嶺溝又五里至南關又西五里至蔡莊又西南五里

至乏驢嶺入山洞出過綿河又西十里經北峪西梁窪又五里至南峪出境達娘子關

阜平縣

治地 中縣

地勢 居萬山之中高亢之地十之七八平原之地十之二三

山脈 城東北七十里有神仙山城西北一百里有銀河山二山相距約有六七十里之遙又城北五里有大派山城東里許有小派山二山相距有六里之遙此山之大者也

河流 南關以外有沙河東南流百數十里再南四十里有臘脂河東流九十餘里又城東十五里有鷓子河南流八十餘里再東十五里有板峪河南流六十餘里此河之大者也

古蹟 阜平古名泚州

金石 南關觀音閣有銅鐘重千斤上無年月款識不知係何時建造

風土 敬奉仙佛崇信巫覡其人民之職業務農者較多

人情 人情樸厚亦勤儉惟不甚文明

物產 菸葉藍靛青麻白麻紅棗羊毛黃芩遠志瓜萋黨參薏米特別物產
則縣南三十里沙竿嶺一帶出解玉砂並出五色晶石解玉砂係土人挖
採五色晶石係外來客商挖採

村鎮 共四鎮二百四十七村按阜平界萬山中大村少而小村多大者不
過百家小者數十家或十餘家甚有三五家成村者故未分別記載

欒城縣

治地 中縣

地勢 平原

河流 冶河洺河沙河金水河今皆大半淤塞

古蹟 欒武臺漢柴武臺殺狐林唐蘇味道墓石晉郡人李學究得定武蘭

亭處契丹人載帝把處元哈榮祿珊墓安留守玉墓陳御史九德墓張太

守舉墓

金石 陳村永建橋唐永徽四年碑碣元宰相哈珊墓碑明范志完眉山發
跡碑明倫堂照壁巒壁湖山碑

風土 民好禮義耕織爲業

人情 人情樸厚俗尙勤儉

物產 棉花爲物產大宗

村鎮 兩鎮一百三十餘村

行唐縣

治地 中縣

地勢 西北高亢東南平原

山脈 岳山山脈綿延於縣城之北距城三十里

河流 郟河發源於縣城西北經流於縣城東南

古蹟 箕山潁水在縣城西北

風土 風俗淳厚人民以稼穡織紡爲業

人情 人情樸實文野參半

物產 以布疋爲大宗

村鎮 四鎮三百二十村

靈壽縣

治地 中縣

地勢 西北多高亢東南多平原

山脈 文山東西方向高四里許周圍十六里距城六十里祁林山南北方

向高三里許周圍十五里距城一百一十里魯柏山東西方向高四里許

周圍十八里距城六十里均係太行山脈

河流 滹沱河距城南四里發源山西繁峙縣東南流而入正定慈河距城

北四十里發源山西靈邱縣東南流而人行唐

古蹟 趙王城距城十五里內有趙王臺世傳爲趙武靈王所築烽臺在城

北三里高九丈

金石 祁林寺內有大齊碑阜安積善寺內有大魏渤海張太守碑
風土 冠婚喪祭多從馬介愍公所註四禮輯宜民多以耕織爲本

人情 人情樸實忠厚勤儉但僻處山陬多野而不文

物產 西北境多產花椒核桃栗子柿子等物

村鎮 北境有慈峪陳莊兩鎮其餘大小村莊共一百四十二

平山縣

治地 中縣

地勢 縣之西部地形大半高亢自西而東則地勢漸低環城左右多原隰
平壤

山脈 縣南光祿山距城五里縣北林山距城二十里房山距城五十餘里
西北尤萬山叢錯天柱最爲高大

河流 境內滹沱河向東流冶河縈繞城西北流與滹沱合沿河居民引水

灌田頗資利益

古蹟 縣東有蒲吾故城西關外相傳爲西平州城與夫劉秀石竇王井唐天壽太子望京樓皆古蹟可確述者

金石 寺觀間有宋元以前碑碣然地少名勝無甚可考

風土 風俗習尙樸野率以務農爲業近來人煙稠密貧民謀生尤多賴紡織習工商者殊寥寥無幾

人情 西北靠山一帶村民離城遼遠僿陋無文人情頗近渾厚附郭村莊較爲華麗然亦長厚者居多惟好燒香佞佛演戲奉神相沿習慣未免失於糜費比年學校林立民智漸開迷信亦略銷滅

物產 境內土產以稻米爲大宗棉花藍葉柿棗次之若特別美產如橡栗薏仁等項山村水郭間有生殖爲數無多

村鎮 閭縣無巨鎮名較著者只五六處村雖五百有八十然滿百家以上者不過數十其餘或數十家或數家多零星村落

元氏縣

治地 中縣

地勢 西北部高亢東南部平原

山脈 太行山脈自南而北

河流 河流有四槐河豬龍河金水北沙河

金石 有封龍山書院碑銘

風土 風俗樸質習尚純謹職業務農

人情 勤實儉樸

物產 五穀棉花果木絲麻

村鎮 四鎮二百一十村莊

贊皇縣

治地 中縣

地勢 四圍高亢

山脈 五馬山在縣東十里太行山在縣西八十里紙糊套在縣西一百二十里黃沙嶺在縣西七十里障石岩在縣西南一百二十里石人寨在縣西六十里石柱山在縣南三十里

河流 槐河發源於黃石山向東北流經縣城北達元氏濟河在縣南十里發源大石門東達高邑

古蹟 周穆王篆吉日癸巳四字在文廟李德裕之平泉莊在縣西許亭村韓信破趙之拜將臺在縣南回車村

風土 士尙質直人少逐末男力耕耘女事紡績依山樵採柴扉糲食

人情 樸實厚重尙勤尙儉

物產 梨棗兩宗

村鎮 四鎮一百六十三村

晉州

治地 中州

地勢 多平原

河流 滹沱河跨州北面距州十五里至二十餘里不等從西向東北流

古蹟 春秋時爲鼓子國戰國時名下曲陽漢時仍其名至宋理宗始改爲

晉州相傳昔漢光武被王郎追至滹沱無舟可濟王霸詭應曰河冰可渡

河果冰得渡至今州東北十八里猶有凍河頭村若昔陽亭白果塔五龍

井蓮花池漢紀信碑唐魏徵墓故趾遺蹤現今尙在

金石 州西北塔兒村有唐趙仁珪碑

風土 風俗樸野習尙好武而人民勤於農業

人情 人情近厚近野昔儉今漸趨於奢

物產 五穀皆產惟棉花爲大宗

村鎮 二百零九村八鎮

無極縣

治地 小縣

地勢 平原

河流 滋河滹沱河兩水均在南境下流入於深澤縣

古蹟 縣西北里許有元朝黑軍元帥何璿墓碑又縣東北南流村有後魏甄琛墓又縣東北西宗村南有元朝廣武軍張林墓碑

風土 男務農女紡織

人情 朴實勤儉

物產 棉花大布

村鎮 四鎮共計一百八十三小村莊

藁城縣

治地 中縣

地勢 平原

河流 滹沱河在城北門外

古蹟 肥子國在縣南距城八里示衣坂在縣西北距城二十五里李牧臺

在縣西南距城二十里

風土 人民務農工商不甚發達

人情 人情樸實耐勞

物產 棉花爲大宗掛麵爲特產

村鎮 八鎮二百三十村八鎮亦在其內

新樂縣

治地 中縣

地勢 城北地高多沙漠城南地卑平肥磽各半

山脈 縣西北二十里餘有童山界連曲陽縣一名現龍山嘉山峙其後恆

山繞於右皆在縣界之外

河流 沙河面繞南門之外一名派河及至秋水漲發並合郃水混流爲一

他如林河漕河浴河皆縣南之小水不及詳載

古蹟 縣西有義臺一稱義臺卽古野臺史記趙武靈王十七年出九門爲

野臺以望齊中山之境卽此臺後一水名浴兒河俗傳伏羲生時浴身之所縣西南五十里有閔泉俗傳閔子曾經飲水泉而甘之故名上有閔子

祠

風土 習慣以務農相尙外此皆所不習

人情 好儉惡奢性多守舊鮮開通

物產 棗梨桃杏落花生爲商業之大宗

村鎮 閔境四鎮百二十餘村除木村漁砥村外皆係小村

冀州

治地 統轄五縣

地勢 平原

河流 滏陽河在城西

古蹟 摩天塔係唐開元間造

風土 商業

人情 人情澆薄近漸樸厚

物產 棉花爲大宗

村鎮 四鎮四百四十八村

南宮縣

治地 中縣

地勢 平原

河流 城西一里許有窪地方約二十里名爲舊城潭東南八十里有荒沙

面積狹長名爲清連江卽古黃路河流域夏秋淫雨往往積水成泊

古蹟 治西三里許有漢光武麥飯亭舍宇臺榭均尙完整東北數十武有

普彤塔漢明帝時建築高約十丈相傳塔之最上層有唐貞觀時斷碑境
內有丹朱唐張顯祖張昌齡元張晉亨將軍晁政鷹坊使郭儀諸人之墓
載在縣志遺址尙可辨認

金石 城內定覺寺有隋碑東南慈達村有石器碑惜皆殘缺

風土 習俗樸厚崇尚儒術鄉民多以耕織爲業經商者次之

人情 謹厚勤儉

物產 產棉最多秋冬之間概由外商販運出境而鄉農亦自製爲土布行
銷山西及京北一帶地方

村鎮 鄉有四鎮城西蘇村鎮住民千餘戶餘皆數百戶村數四百過百戶
者十之三不及百戶者十之七

治地 小縣

地勢 東南高亢西北卑溼間有平原

山脈 西揖太行山相距一百五十餘里

河流 北帶滏陽河相距里許

古蹟 白神首村南有光武臺爲春秋時晉地

風土 多務耕織不遠營商

人情 勤儉樸實

物產 落花生果品棉花爲大宗

村鎮 四堡六鎮共一百七十九村

棗強縣

治地 中縣

地勢 平原

河流 治西有索盧河故道今成沙淤治東有黃瀘河故道俗名清洋江

古蹟 漢時地名廣川郡亦名棘津

風土 風俗質厚少文人民男尚耕作習工商業者不及三分之一

人情 人情勤儉

物產 治西南卷子鎮向以棉花土布爲大宗今則銷路滯塞近惟治南恩

察村皮氈布緞等帽大營鎮各樣皮貨出貨尙多

村鎮 大營鎮卷子鎮蕭張鎮流常鎮共分四鎮外共五百九十二村

武邑縣

治地 中縣

地勢 平原

河流 滏陽河在城西南二十五里自衡水縣東北境流入又北經圈頭圈

頭東距縣城十八里由圈頭經龍淀北至趙橋

古蹟 竇父塚在境東南距城二十七里史記竇皇后親早卒葬觀津塚之

高大距十餘里即可望見觀津故城史記樂毅傳齊西摧三晉於觀津正

義觀津城在武邑東二十五里今存故址號爲觀津村

風土 俗多迷信鬼神修醮演戲謝神之舉往往而是近因設立學校極力破除其稍爲開通者固已不少而沈迷不悟之徒尙須設法開導職業則多務耕織

人情 性好暴動寬以御之則很如狼法以繩之則馴如牛虛薄視實厚者爲多勤儉較奢惰者尙夥

物產 以葦蓆白布爲大宗

村鎮 統計五百六十一村村之較大者石海坡馬回臺審婆李家店留仲圈頭趙橋舊亦名鎮

衡水縣

治地 中縣

地勢 地皆平原

河流 縣境有滏陽河一道發源於磁州至曲周縣界經冀州入武邑南北

九十餘里下至青縣歸運河達天津衛入海

古蹟 衡於古爲桃縣漢信都國桃縣地其所留古人之遺蹟有羊令渠寶雲塔譙樓古鐘等

金石 古人碑碣如唐之孔穎達蓋文達元之蕭真蕭守信明之趙應龍傅希摯清之平南王祖墓均各有碑記

風土 鄉間之風俗習尙近樸陋城鎮漸至奢侈

人情 人情信實勤儉者居多半

物產 燒酒毛筆

村鎮 巨鹿鎮辛集鎮趙家圈鎮張官堡鎮葛村鎮闔境共計三百九十六村

趙州

治地 統轄五縣

地勢 地皆平原

山脈 平棘山有二在州北者曰大平棘在州南者曰小平棘又有龍平山
鞍子山然皆不足爲山特培塿耳

河流 舊有洺水在州南五里豬龍河在州西南六里清水河沙河均在州
南滹沱河故道在州東北三十里今皆淤廢

古蹟 平棘故城宋子故城史記高漸離匿作於宋子卽此遺址尙存望漢
臺相傳後漢耿純所築以望光武廉頗祠在望漢臺西耿純祠柏林寺內
有寶塔殿壁間有吳道子畫水石塔相傳爲開元寺舊址塔周圍刻陀羅
尼經或云虞世南書安濟橋俗名石橋隋匠李春所造後爲驢迹以神其
說更有李左車馮唐及隋主簿吳巖等墓

金石 柏林寺殿前有碑對峙爲虞世南書攀龍鱗附鳳尾六大字後魏定

州刺史李憲墓誌石存州署內空明石據州志云舊存州署內上有古鐫
空明洞天四字疑是晉唐時物也今失

風土 風俗樸厚民多務農

人情 人情忠厚崇尚勤儉

物產 五穀而外以棉爲大宗工商皆不甚發達

村鎮 閻州共二百三十四村內有七鎮

栢鄉縣

治地 小縣

地勢 平原

河流 槐河在城北二里午河在南關外

古蹟 古鄗城在城北二十三里漢光武帝千秋亭在城北十五里

金石 有趙孟頫及董其昌所書碑記

風土 風俗誠樸習尚勤儉人民務耕織者居多

人情 人情敦厚樸素

物產 以棉花爲大宗

村鎮 小鎮一大村二十三小村七十二

隆平縣

治地 中縣

地勢 平原

河流 東有滏河距城二十五里

古蹟 古稱趙地

風土 多務農

人情 樸厚勤儉

物產 棉花

村鎮 大村三十五中村五十小村六十

高邑縣

治地 小縣

地勢 平原

山脈 治西鳳凰山距城二十五里

河流 治北槐河距城十二里治南洧河距城二里

古蹟 治南千秋臺四將臺五城陌

金石 鄭公墓誌碣石及趙忠毅公鐵如意係家藏趙公家祠內供有公降

生時隕星圖經約七八寸

風土 俗尙簡陋人樂耕稼

人情 人情樸厚野而不文

物產 木棉藍靛特居少數

村鎮 四鎮大小九十二村

臨城縣

治地 小縣

地勢 境內多山崗地極高亢無卑溼之區所謂平原祇治城東北二十里外數村而已

山脈 縣境西接太行山極多不及備載就大者言之治城西七十里許有敦輿山爲趙屬雄鎮境內泚水發源於此

河流 境內沙河名泚水發源於敦輿山延流至縣城西境繞城西南兩面入內邱境折而向東

古蹟 境內所謂古蹟者非久廢無存卽出於迷信荒誕之不可攷故皆略未填入

金石 有後魏殘碑一端字句不復成文現在縣署內

風土 風俗樸實工商不發達其職業多是務農

人情 實厚勤儉但少粗野

物產 境內出產以煙煤爲大宗可惜已歸華洋合辦多數利益盡爲外人

佔去

村鎮 境內分鎮八集十六社共爲九十二村村皆不大且甚小者較多全

境戶數在一萬七千上下

寧晉縣

治地 中縣

地勢 治周圍平原南近隆平界較卑溼東近新河界較沙碱

河流 治西涑河沙河俱遶城流向東南入泊治南槐河午河治東滏陽河

俱東北流入冀州境

古蹟 治南舊有高梁亭今廢治西有漢隱士孟敏故里治南有李左車故里

風土 風俗淳樸習尚簡陋人民職業以農務爲大宗工商業尙不發達

人情 治西人情多實而厚治東人情多虛而薄其勤儉少文則相差不遠

物產 治西產棉治南產麥治東產花生歲入不貲實爲寧晉特色

村鎮 村鎮共二百六十七鎮十二大村七中村一百三十一小村一百一

十七

附記 治南有瀦水曰寧晉泊縱橫二十餘里無水收秋有水產魚水落產
麥天然利益優勝獨占

直隸風土調查錄 趙州

深州

治地 統轄三縣

地勢 平原

河流 漳沱河由深澤西境入州屬段家左刁馬莊黃家疇等村東下饒陽

古蹟 古燕夔亭在州城上

金石 高等小學校存有唐儀鳳四年馬君起造石浮圖一碣

風土 城北俗敦樸而多業農城南民喜交通率務工商之業京津之木廠

鑪房綢緞莊等商州人頗多且有赴東三省蒙藏及俄之海參崴營工商業者

人情 人情儉樸厚重少文

物產 物產爲五穀棉落花生山芋及桃李杏等而桃尤佳惜易腐朽不能行遠若以後工業發達將此物裝爲灌頭定能暢銷各國也又產麥頗多若將麥稈編作草帽亦必能發達惜無人提倡耳

村鎮 并無大鎮大中小官村共二百五十餘官村者蓋合數村或十餘村
爲一村若分計之則五百零二云

武強縣

治地 小縣

地勢 平原

河流 滏陽河距城東北二十五里

風土 風俗靡惰習尙因循業農者多工商者少

人情 儉而少文

物產 五穀爲大宗並產玻璃硝

村鎮 大鎮一小鎮三村大小共二百五十餘

饒陽縣

治地 中縣

地勢 平原

河流 滹沱河西接安平縣入饒分南北兩股治城在其中央東合流入獻
縣境南北泛濫約二十里東西長約五十餘里有北堤無南堤

古蹟 蕪萋亭在城北五里大草廬村卽漢時馮異進豆粥地詩經臺在城
東南師欽村相傳漢毛公註詩於此

金石 雪江老人碑

風土 風俗純厚人多務農業商

人情 儉樸

物產 線貨饒綢

村鎮 鎮四村二百零二

安平縣

治地 中縣

地勢 平原

河流 北有豬龍河距城二十五里上流爲沙唐滋三河自祁州來會而爲

一曲折東流入博邑界南有滹沱河距城五里自深澤來曲折向東偏北入饒陽

古蹟 城北里許有聖姑臺像下有一古井相傳周時郝姓孝女後人爲築臺塑像以致敬臺高數丈形勢崔巍

金石 宋元祐己巳五月四日吳公安持奉詔過城之東北義門村東聖寺題石曰宿雲含雨柳衣衣古寺蕭條過客稀秋蘂滿庭紅不掃祇應天女散花歸今其石尙存現爲村人門清麟所私未能公諸同好

風土 風尙大概簡樸職業則士農工商皆備而業農者居多人情 民情樸實勤儉者居多數

物產 五穀皆備樹木則楊柳榆槐爲大宗並製蠶絲馬尾兩種羅底村鎮 鎮四大村七十二小村百零八

定州

治地 統轄二縣

地勢 平原

山脈 西臨恆山相距五十里

河流 城北唐河城南沙河俱東西流距城約三十里

古蹟 城東北隅有衆春園宋韓蘇遺跡也又有料敵塔亦宋時古物也古

爲中山國

風土 風俗質樸人多務農

人情 勤儉

物產 布疋猪毛爲大宗

村鎮 共八鎮四百八十村

曲陽縣

治地 中縣

地勢 西北高亢東南平原

山脈 縣治東十里許有嘉禾山史稱唐郭子儀敗史思明於此治南二十里有堯山在黃山之東上有堯峯聳峙四大字邱順敗武仙卽此又治南十八里許有少容山一名黃山傳女道士葛容隱此二百餘年顏色如童故名又傳黃石公寓此山半有漢張良房址又治南三十里有牧山山陽有李左車墓西北羣山聳峙其大者如孔山靈山蓮花山鳳凰山香煙閣等山皆發脈於恆山故縣名又曰恆陽

河流 縣西十里有恆水亦名沙河發源山西繁峙縣自西北流入祁州與滋澗二水合東三十里有澗水一名唐河又縣北五十里有龍泉河東入唐河又有平陽河發源於大茂山自阜平流入沙河

古蹟 縣城內有北嶽廟殿壁天宮圖飛天神唐吳道子眞筆臨平砌石於

露臺前又殿匾德寧之殿四大字榜題元至元七年李廷正書縣署東南隅有藺公祠縣西有藺相如村迤南有相如墓明時碑記存焉縣南牧山

之陽有廣武君李左車墓縣西北有孝墓村有唐孝子張勝朝墓

金石 縣東關外邱氏墓有魏定州刺史邱珍碑縣黃山頂有黃山石徑書
巨石丈餘四面皆鑿佛龕刻佛八百餘尊俗名千佛堂又嶽廟北有北嶽
府君之碑唐開元九年立韋虛心撰又飛石殿壁有懷素草書縣西北隅
濟寶巖石崖有浮休二大字宋蘇文忠公眞筆

風土 土多美質習尚敦樸西北皆賴煤產資生東南多以耕織爲業
人情 人情渾厚地處窮僻資生非易男耕女織勤儉者多奢華者少
物產 煤礦石料印石石灰滑石黃磁白磁磚瓦瓦器白布棗梨棗酒
村鎮 大鎮三小鎮七村莊共三百四十餘

深澤縣

治地 小縣

地勢 平原居多

河流 滹沱河在城南距城五里許濟河在西北距城約八里

古蹟 東南距城十里有危渡口卽漢光武渡河冰合處尙相墓在城西南

二里許卽元朝尙文之墓

金石 城內大忍寺存唐代隸書古碑

風土 地雜沙壤俗尙儉約業農商者多

人情 尙忠厚耐勤苦

物產 米棉及麥爲大宗亦出花包布口袋腰帶

村鎮 大鎮無小鎮二大村六十三小村莊四十四

順德府

邢臺縣

治地 中縣

地勢 城西三十里外卽山近山二十里皆旱田城東南八里外有百泉水自平地出二三十餘村皆水田其餘多用井灌溉者

山脈 山由黃河北岸起直至京北皆太行一脈縣界中山之最高者名曰鼎梅距縣城九十餘里

河流 城南七里河源發自西山水出山卽伏流至城南始出與百泉水合下流入大陸澤與滏河合至天津紅橋惟河水淺狹不能行舟耳城北有白馬河平時無水夏雨水暴漲不逾時而涸

古蹟 城南十里外驛路東有地名古城相傳爲殷祖乙舊都周時封邢侯於此有邢侯臺今惟一碑存焉豫讓橋在城北五里相傳爲刺趙襄子處東晉後趙石勒亦建都於此元興劉秉忠郭守敬皆佐命功臣皆邢人也

劉初在天寧寺爲僧今寺尙存

金石 城西郭村有高齊時碑字尙清晰良舍村有魏碑字多不可辨唐玄宗道德經石幢元趙子昂碑皆在城內保存之人惜不多見故常在風雨中耳

風土 民人務農者多故風俗儉樸近十年來商務尙發達工業則守舊者多

人情 樸實而近於野勤農工以餬口

物產 羊之皮毛實爲大宗攻皮之工亦因之而多商業因之而盛此外煙葉靛麻橡碗所產亦夥然較之皮毛則仿茲蔑矣

村鎮 四鄉大鎮四山川中大鎮六村共七百餘處三百家以上者不過十之二三云

沙河縣

治地 中縣

地勢 城東南卑溼均係平原井田之地城西北多山均係高亢之地

山脈 城之西南有鳳凰山有禾山均由西向東長有四五里許再西則爲太行山矣最高且大者則爲五指山奶奶山均南北向奶奶山高則有二
十里許

河流 城南大河一道發源於山西遼州貫太行山入縣境號稱沙河自縣境洛陽村南分爲兩支一支流至永年縣界一支流至南和縣界約百里許

古蹟 湯山後邊有溫泉寺寺旁有溫泉池其水冬夏常溫可療治疥癬等瘡

金石 城北食膳鋪有唐相宋文貞之墓墓前有顏真卿親書碑名響楊碑
城西南有封巒寺內有大槐二株夾古碑一通宋時建立

風土 民多務農

人情 勤儉質樸

物產 菸葉棉花藍靛石灰秋梨穀麥煤等類

村鎮 所屬二百七十餘村莊內有八大鎮

南和縣

治地 中縣

地勢 高亢卑溼平原之地約計各居三分之一

山脈 境內無山脈惟西距邢屬之太行山約七十里之遙

河流 西境小河流甚多灌田亦便東境之乾河澧河洛河河流較大水不

長流

古蹟 城內有唐宋文貞公祠高等小學後院有宋文貞公梅花亭亭上有

碑上刻梅花賦

金石 城東關有元至元古碑一城北五里許有隋碑一

風土 風俗儉樸務農者約居五分之四

人情 人情樸實勤儉不涉浮華

物產 出售物產以棗爲大宗棉布業亦甚發達

村鎮 村鎮共一百五十二鎮數四村數一百四十八最大者八百戶最小有至二三十家者

平鄉縣

治地 中縣

地勢 平原

河流 滏河南北貫注

古蹟 沙邱古地

風土 務農業者較多

人情 質樸勤儉

村鎮 四鎮八橋

廣宗縣

治地 中縣

地勢 合境平原無卑溼地惟城東一帶沙邱起伏東西約五六里南北綿

亙數十里

河流 西有漳河故道東有洛河故道久不行水古岸猶存

古蹟 城北有平臺村平臺卽沙邱臺爲紂所築趙武靈王因之作沙邱宮

秦始皇東巡回崩於此又城北有洗馬潭相傳漢光武徇河北時洗馬於

此

風土 俗尙耕織線帶棉布輸出鄰省者頗多

人情 樸實勤儉向頗蔽塞現已漸卽開明

物產 穀類以粟麥爲大宗果品以棗梨爲大宗

村鎮 鎮有八村有二百一十六

鉅鹿縣

治地 中縣

地勢 城西臨近一帶地屬卑溼城北古有廣阿澤之名今爲田隴餘俱平

原

河流 城北距城二十餘里有滏河計長一里餘東距城十五里有小漳河計長五十餘里又縣城以東漳河以西有古河一道相傳爲老漳河滏河現資灌溉二漳皆無水盡屬良田

古蹟 古名大陸又有南欒之稱至秦時稱鉅鹿郡又爲漢耿純劉植唐魏徵故里又城北有舊城樓閣之名勝

風土 人多質實俗爲近古士習詩書農務耕作女勤織紡生計之本胥在於是

人情 質厚少文氣勇尙義爭訟不撓於官司貧富相尙於賙恤

物產 地雖肥瘠不等五穀皆宜兼種棉花並多果實

村鎮 共一十七社三總二百七十六村大鎮四集市二十六

唐山縣

治地 小縣

地勢 平原居多但年來水沙汎濫廢爲石田者居十之四

山脈 堯山在縣城西北八里嶂嶗山在縣城北十里干言山在縣城西北

四里夫子山一名孔岡在縣西北十里

河流 泚水在縣城西北一里許自西而東柳林河在縣西南三十里馬河
在縣西南十里

古蹟 縣名古稱堯山有張耳臺在縣西亦城村北繫馬臺在縣南南汪店
孔子停驂處在縣西北孔岡東

金石 景福安樂寺碑係歐陽氏所書

風土 職業多農桑紡織

人情 人情質樸不矜華侈勤儉少文

物產 五穀棉花

村鎮 四鎮九十二村

內邱縣

治地 中縣

地勢 城西十里許卽太行之麓俱屬高亢城東北南三面一望平原

山脈 山脈自河南懷慶府蜿蜒經本城之西其峯之最高者曰太子巖距

城七十里

河流 城南十里爲馬河城北五里有李陽河二河不常有水惟大雨時行

之時山水暴發四面餘波共相貫注其勢汪洋而澎湃然流而不停涸可

立待城北三十里有泚水韓信背水之戰相傳在此至今雖常有水夏秋

廣深數倍春冬僅可沒脛其源發於鵠山西南

古蹟 漢郭巨獲金處在城東十二里金提店村南程子崗在城西南三十

里是子華故里鐵頂墓五代石勒之佐張賓葬此

風土 土厚風樸習尙質實雖兼營商專力在農

人情 崇實惡虛從厚棄薄惟地瘠故勤而不惰惟民貧故儉而不奢實無

文明之表觀尙存樸厚之性質

村鎮 金提店官莊詣仁柳河共四鎮是由來之舊非近今區劃之鎮村大小三百餘

任縣

治地 小縣

地勢 該境爲順屬適中之地西鄙高亢東鄙卑溼惟縣治中面平原廣闊無高山大川之險因勢利導是在長民之吏而已壤地褊小奚礙焉

山脈 該境平衍四無山阜惟城南地勢突起橫如堤岸俗曰龍岡方輿紀略謂岡脊橫亙東西長二十里蓋西山之脈蜿蜒於郡北與石井鹿城諸岡互相接續者也

河流 該境東有大陸澤匯納衆水若九河爲洛沙蔡馬百泉聖水牛尾滄陽澧等水皆自西南西北歸於東北大陸澤流逕新挑河洩至衛河入海然可資灌溉者西有牛尾東有滄陽百泉順水等河時常流通其餘乾水無常每遇秋霖氾濫爲害獨汲井灌田幾及全境之半而水利不足恃也

古蹟 該境東盟臺相傳韓信襲齊楚遣龍且救之信與且會盟於此上有
碣云荒荒繚亂休離河店水來吃魚水去吃麵苑鄉城係後趙石勒所築
玉石橋係北魏太傅游雅建

金石 該境有洪教寺漢曰蒲陀院唐曰勤息院有唐碑圓勝寺有銅佛一
尊係明萬歷十三年鑄縣署內有八角石井係隋開皇五年建城隍廟有
鐵獅子二尊係明正德十二年建

風土 該境土溝塍鱗次流水環通汲引以時頗稱膏沃雖時有積潦之害
而以食其福者爲多東帶滄陽灌溉運輸農商均沾其利民則男耕女織
山樞葛屨猶然唐魏之遺士則遵律令敬官長循循規矩而相尙以儒素
惟課讀而外不憚農事躬親工多窳拙梓匠圻鋸技無專巧商不過本境
貿易少在外營生衣多布褐食多粗糲住則瓦屋少而土室多

人情 該境古爲趙地每多慷慨之氣崇實黜華革薄從忠相習成性惟斤
斤自守並無高遠思想實爲缺點近來新學開通野蠻悉化文明漸進凡

學警工藝商務農務等業人爭若鶩頗見起色

物產 該境無精緻工藝惟織布編蓆造紙作炮等業爲大宗布銷行山西

忻州一帶蓆紙炮半銷本境半銷外境五穀成收無多只數本境食用不能外銷惟棗樹收量尙可自食無多製爲薰棗由滏陽河運天津

村鎮 該境統共一百四十二村莊鎮無

廣平府

永年縣

治地

中縣

地勢

地多平原

山脈

聰明山

河流

洛河滏河牛尾河

古蹟

荷館蓮池龍潭奎閣冉墓毛塚

金石

夏承碑

風土

人民多敦厚務在農桑好尚儒學多傷於遲重

人情

質樸

物產

小麥棉花韭蒜山藥

村鎮

三百六十村八大鎮

曲周縣

治地 中縣

地勢 多平原

河流 滏水自永年縣界由西南入本境逕治城東南兩面上下三十里折而西北入雞澤縣界

古蹟 漢名平恩治城東北有鉅橋倉南有康臺澤西有董塘陂

金石 重修洛州曲周縣學記碑在文廟夫子廟堂記碑在縣東北安仁鎮宋李若水故里碑在縣治東關元達魯花赤諾懷墓碣在縣東北胡家莊

風土 俗尙勤儉多以耕讀爲業

人情 人性質直多尙朴實

物產 植物以穀產爲大宗芝蔴可以製油棉花可以織布此外無特別之產

村鎮 縣屬分四鎮二十四社大小共五百九十村

肥鄉縣

治地 中縣

地勢 平原

古蹟 古地屬趙古人遺蹟有宋名臣李沆墓元名臣竇默墓趙公子平原

君墓

金石 碑碣有唐開元十五年洛州清漳縣令小碑一通在東鄉清漳村

風土 風俗習尚剛勁者多人民職業務農者多

人情 虛實等件各居其半

物產 以棉花小麥爲大宗

村鎮 大鎮凡八村莊三百有六十

雞澤縣

治地 小縣

地勢 平原

河流 盜河沙河洺河牛尾河均自南而北

古蹟 晉侯盟臺在舊城營村後一里許唐劉黑闥塚在南雙塔

風土 業農

人情 儉樸

物產 棉花穀麥等物

村鎮 吳官營小寨浮圖店北莊四鎮共一百零八村

廣平縣

治地 小縣

地勢 平原

古蹟 廣平古名鵝城在城西五里遺跡無存李齊墓在西關

金石 縣志金石載有景明寺碑及征西將軍鐵印王夫人殿鐵鼎款識三

種自康熙間遭水患皆淹沒無存

風土 俗尚儉樸人多業農

人情 人情樸實男尚忠信女勤紡織

物產 大宗物產關於工商業者惟棉花一種

村鎮 分四鎮共村一百四十二

邯鄲縣

治地 中縣

地勢 就本境地勢約劃爲三部西部山蠻環堵岡陵起伏土性皆屬礫确自成一高原中部地勢平坦土性肥美兼有滏河流貫其中三閘灌澆皆成沃土概爲平壤東部係漳河故道沙漠極多形勢窪下盡屬卑溼之地

山脈 本境西部一面連山數條皆太行之支脈也縣西北三十里有紫山爲本境之最高峯由此而南連綿不絕蜿蜒與磁境鼓山相接橫於西界若牆堵焉故名堵山又名牛首山此二山爲本境山脈之幹自此而東俱係岡陵土石盤礴或斷或接約分爲三條一爲陵臺山脈一爲靈山山脈一爲古城山脈

河流 本境無大流域惟縣東四里許有滏水一道源出磁州神齋山下至

本境貫流南北又折而東北流入永年縣界此河岸廣水深源遠流長冬春則閉閘蓄水灌溉田野秋夏則開閘放水通行舟楫商民均沾其利至東部漳河故道遷移日久盡成沙漠西面一帶河流甚多其如牛叫河巖崙河閻家河藺家河源泉不一一出於紫山一出於堵山一出於鼓山東流合而爲一統稱謂之沁河自城西里許繞而東北流至南蘇曹村南入盜縣西北輸龍河發源於姜家窰村北龍興寺下及村西羅浮潭距城二十五里其水出源向東南流至聖井崗後薛家莊村南折而東流至叢塚村東南又折而東北流逕黃梁夢呂仙祠南復東北流至馮村村西北蘇里村西入盜縣西南渚河發源於本境西南界于兒莊磁西北界河口村與澗河源相通其水入本境向東北流至趙王城北里許龐村直向東流至羅城頭閘北入盜西面諸河乾涸時多卽遇天澇亦皆涓滴細流上流村莊有時澆灌田園得沾其利

古蹟 邯境古蹟甚多不可枚舉况迄今年遠代湮有可考不可考者未便

詳載茲特就其大者略言之今城西南八里許有趙王古城四圍雉堞猶存中有一高臺疑卽殿廷之所昔趙敬侯元年（漢書地理志）自中牟都于此（按胡三省通鑑註謂趙肅侯始都邯鄲非敬侯也）縣西三里許有王郎村世傳卽古之王郎城爲光武所平（按後漢初王郎詐稱成帝子子輿率車騎數百人入邯鄲僭號此其屯聚處也）至於南門裏之回車巷（按趙惠文王時藺相如功大位在廉頗之右頗不忍居其下欲辱相如相如聞之不肯與會出見頗引車避之故名）縣西二里許之插箭嶺世傳趙武靈王習射於此今嶺上尙遺銅箭簇城東北隅之叢臺係趙武靈王遺址台上有亭名曰據勝明嘉靖十三年兵備楊彝建此皆古人之遺蹟若縣北二十里之黃梁夢盧生祠縣西北二十里之聖井崗爲邯邑最名勝之地（按唐開元間盧生因落第還家到邯鄲投客舍煮黃梁飯吃身困思眠適有道人授以磁枕盧生舒身就枕而眠頃刻驚醒歎曰榮華富貴五十餘年不過片時黃梁飯猶未熟也故名此村謂黃梁夢今之

遊宦多崇拜于此按畿輔通志聖井在高阜上水與井平其深莫測溢
北流匯而爲池禱雨者撈取井中鐵牌設壇祈祝輒應就現今考之井在
廟中水不甚深賴人力取水通流後院池中並非溢出流匯爲池也

金石

邯鄲本古趙地金石鐘鼎之類古時備有按古泉匯方足布大尖足

布考之當周代時如馬服營（卽史記趙惠王時馬服君所居之營市）作
馬𠂔呂倒書馬作𠂔𠂔作育呂自左讀背文作八又按貨布文攷之反書
馬又作𠂔下有十字𠂔又作𠂔呂字又作×形（邯鄲）減筆邯作甘鄲作
丹倒書又作日凡二字迄今徒有其文而無其實其餘如元時翰林學士
張之翰墓碑（係正書李謙撰）日愛寺碑（係唐何營光書）大行禪師義
方訓石刻（係唐何榮光書）大行禪師幢銘（係韓覃撰並行書）登叢台
懷古賦石刻（係唐嚴浚撰蔡有隣分書按新府志攷碑雖尙存然亦無
實可據）所攷者若唐時貝州刺史宋慶禮墓誌在縣西二十里巖崙
村（按舊志考之）言此石當前明時卽被知府秦民悅自民家訪得（按

京畿金石攷）舊在愛古軒壁今縣西巖嶽村北尙遺碑額若叢台題詩石刻（按志書攷）明嘉靖丙午前尹董威修城及叢台內剷出金人詩二石因起其敝者而新之仍砌之壁上其左兼有御筆碑（係乾隆庚子遊南時立）若黃梁夢盧生祠南牆有蓬萊仙境四石字俱係現今尙存之物近前數年縣西二十里戶村堡經農人掘出隋碑一石（係褚遂良書）此碑已被山東省人購去傳聞運至北京未知確否現邯所留者祇有碑額而已

風土 風俗循美士夫多悲歌慷慨習尙往來重然諾往往不受面詆其性激烈戇直自古爲然人民男力耕稼女勤織紝習詩書者十居一二業商工者百居二三向者商戒遠行工守舊法近數年來稍爲改良

人情 人情直樸不以虛僞相將遇災患婚葬等事鄰里族黨率爲助恤意至美情至厚也特于慶弔燕飲諸禮節概從簡略亦地瘠民貧使然也人民以勤儉爲本以驕奢怠惰爲戒故凡衣食器用舍宇之類恥尙華美務

爲樸素焉俗習崇質惡文頗近古風要與無意識之野蠻迥乎不同

物產 以棉花落花生煤炸碾磑爲大宗棉花山東山西二省商販都來購

運煤炸碾磑由滏河販運東北各州縣至東南各州縣概由陸路販運落花生消售于本境油房居多以上數宗最有關於工商業者白堊生於山谷爲境內特別物產然體質較重價值不敵運費故消路不甚廣暢

村鎮 本境分爲二鎮三堡四集大小村莊共計三百二十五村視舊志載百八十有六則加多視夙傳三百有六十則偏少存其實非徒衍其名也故跡湮沒若卜兒等村莊悉去之餘則大小咸登披覽之下宛同親歷焉

成安縣

治地 中縣

地勢 平原

古蹟 按本境在周名乾侯漢名斥丘今名成安因秦之舊也衡漳故道在漳河集等村卽大禹治水所至處昭公廟在城東北戴公墓在鄉義等村

說法台在城南鳳凰台在城北霧觀寺有唐天寶塔忠愛堂卽宋寇公廳至崑尤塚張耳墓則早沒於漳水矣

金石 本境有洪鐘爲八景之一金大定十七年太平興國禪院鑄漢張耳墓志殘碑在北珠關帝廟內字雖剝蝕猶有可考者若元泰定三年所置之石獅現在儒學門左右

風土 本邑位置古趙東陲風化醇厚習尙與邯鄲相近故多悲歌慷慨之士人民多業農勤於耕種工之巧拙居半貿易多在近處故富商大賈寥寥無幾邇來學校設立漸有文明起點

人情 本境土多水少故人情多厚實地多斥鹵故人多勤儉然野俗寡文亦一缺點也

物產 五穀棉花

村鎮 本境村莊名目爲堡者十三爲莊者十四爲疇者十爲店者四爲營者九爲里者二爲寨者一爲村者八十大則不過三百戶小則七八十一

二十戶不等

威縣

治地 中縣

地勢 平原

風土 農業

人情 儉樸

物產 棉花

村鎮 共三百二十村

清河縣

治地 中縣

地勢 平原

河流 東界運河三十五里

古蹟 古貝州 絳隄 甘陵 漢清河王寢陵 廉頗墓 蓮花池

金石 西關隆興寺宋太祖碑

風土 民多務農風俗樸厚

人情 勤儉耐勞

物產 棉花落花生麥子

村鎮 大小三百三十餘村小鎮八

磁州

治地 大州

地勢 西偏多山土地高亢東偏多沙地屬平原

山脈 西五十里有醫山再西三十里有馬鞍山山勢均南北蜿蜒貫聯全

境

河流 滏水發源醫山之下名曰龍洞珠泉由西而東繞城南東二面向北

入邯鄲境漳河在南四十里爲與河南省安陽分界處

古蹟 古趙地北五十里有趙王城遺蹟西有曹操七十二疑塚

風土 風俗謹厚民多業農

人情 樸實古雅

物產 瓷器石炭由水陸運往京津等處
村鎮 共五百七十三村大鎮四小鎮八

大名府

大名縣

治地 中縣

地勢 平原

河流 以衛河爲綱漳河次之

古蹟 晚香堂在府署內白馬寺在舊治宋徽宗時建銅臺在舊治東北五

里戰國時壇坫會盟處恆山在岳莊漢成帝時王延世運土成阜

金石 明倫堂臥碑朱夫子書蔡元定刻府署後準提閣上有劉智遠鐵盔

風土 耕織

人情 習尙樸實

物產 蜂蠶紫花地丁

村鎮 共二百二十四村

元城縣

治地 中縣

地勢 東北淤土居半西北土多瘠薄東南一片沙隴均屬平原之地

河流 同治年間漳水自郡城西南大名縣界來繞郡城壕至東南方入三里引河蜿蜒向東北流至山東館陶紅化堤會入衛河今漳河南徙大名南吳村會入衛河其衛河由郡城西南過大名龍王廟至元城苑家灣在城正東十八里迤邐東北過金灘鎮至善樂營北入山東館陶界

古蹟 戰國時魏武侯公子元食邑漢置元城縣古有五鹿墟今不可考馬陵孫臏戰龐涓路皆低溝古金堤故堰綿亙舊郡城周環四十五里環存

土址

金石 狄梁公祠碑宋徽宗五禮碑已斷

風土 風俗元旦昧爽起祀神食水角互拜上元燈節放花炮清明祭墓七月十五日十月初一日如清明節五月端陽插艾食角黍婚用綵輿親迎喪焚冥資虞祭用僧道職業務農者居多

人情 以尙實尙厚爲貴而虛薄亦相間東半邑較西加倍勤儉頗多粗野
物產 麥高糧豆穀子東半邑落花生菓木沿衛河一帶蔬菜不少其糧食
花生與油丹常販運東鄉箕筐籬條編之類出境

村鎮 金灘鎮最大東館集張鐵集黃金堤次之

南樂縣

治地 中縣

地勢 平原

河流 衛河自大名縣入境

古蹟 春秋衛邑漢爲樂昌唐爲南樂有倉頡陵及造書台

風土 風俗尙儉人民多製草緹

人情 敦樸勤儉

物產 草帽緹牙棗

村鎮 元村堡韓張堡兩鎮三百五十二村

清豐縣

治地 中縣

地勢 平原

古蹟 古頓邱仲子墓在治城西南隋孝子張清豐祠在南關唐將軍南霽

雲廟在北關

風土 習俗質樸大概業農

人情 勤儉

物產 小麥捻綢焦瓜草帽緞落花生

村鎮 仙莊集六塔集古城集三鎮

東明縣

治地 中縣

地勢 平原

河流 治城西北

古蹟 逍遙園莊周吏隱處在城正東十二里白雲仙洞張良辟穀處在城東北三十里二賢祠公西華閔子騫故里在城西北二十里五霸盟壇五霸會諸侯處在城東三十五里魚窩垂綸太公釣魚處在城正南五里

風土 習尙樸素民多務農

人情 尙實崇儉

物產 豆油豆餅

開州

治地 大州

地勢 城南有金堤一道南偏窪下北半高亢故低昂有上下堤之別

河流 州南六七十里不等有黃河一道西南來自河南省順流東北而入

山東濮州界河水不時漲發下堤屢被水患

古蹟 州屬顓頊故墟列國名澶淵至宋爲開德府澶州城內有眞宗迴鑾

碑披雲樓望契丹處城北七里孔悝城有仲子墓在焉南有古瑕邱東南有柳下展禽墓汲黯吳隱之塚漢時宣房宮在西南二十餘里

風土 俗尙淡泊強悍爲戒故人多耕種仕宦商賈兩途頗少

人情 人近質樸城鄉居民土壁爲多服飾尙棉布不尙綢帛

物產 婦女尙織紡城西多棗梨故以棗梨白布爲大宗

村鎮 大小村鎮一千三百餘村而集鎮之大者如柳下屯徐鎮兩門井店

四處設營汛以鎮守之

長垣縣

治地 中縣

地勢 平衍

河流 黃河由河南蘭封穿入蜿蜒而北薄滑縣境折東而入東明縣界將

縣境東西隔斷長約七十餘里又有上下引河并於黃逸河現竟淤塞矣

古蹟 孔聖停驂於匡城言志於學崗以仲子治蒲三善其政而至此者邑

爲夏關龍逢蘧伯玉之故里城北有衛靈公墓又有漢吳祐牧豕澤其著者也

金石 南關雙忠祠有一片忠肝石刻東魏興和年造佛像記在城東作村又其相寺造佛像記有宋孫奭題跋河東有唐天寶建業修寺碑機城石碣等皆數千年前古物也城內玄帝廟之銅鐘妙法菴之銅菩薩銅佛銅塔其美而著者也

風土 風俗儂魯習尙虛矯其人民之職業男則出外謀生者不少其土著者士少新理想農守舊法商則無特別之經營工則織紬織燈紗造杯椀筐篋簸箕木羅圈者爲最多餘則非大宗故不指定

人情 人情四境各異西則鄙薄北則厚而魯南方儂巧東稍樸厚黃河以東則野蠻尙焉勤儉之風雖著懶惰者實居多數

物產 惟繭絲豆子兩宗尙有關於工商之營業

村鎮 財力交通之大集鎮十六大村落二百餘中村落約計不下三百之

數小村落幾與之等其餘黃河兩岸之新村每三兩戶人家者亦不在少數統計合屬村莊除河流沖沒者實存九百六十八

宣化府

宣化縣

治地 大縣

地勢 查宣邑地勢由東南而西北漸次高上重山盤環道路崎嶇平原地甚少雖境內有白洋桑乾等河然水勢過急不便灌溉卑溼地亦鮮惟因山巒層疊故交通不甚便利

山脈 天德山在城西北三十里東望山西望山均在城北三十五里湯池山在城東六十里燕然山在城東三十里馬鞍山在城東七里黑山在城東四十里黃羊山在城東南三十里鷄鳴山在城東五十里黑寨山在城東四十里寶峯山在城東南八十里十八盤山在城西南八十里均由恆山脈北趨而東

河流 治城南五里許有白洋河一道上游由懷安縣界入境東流經宣化界東南與桑乾沮陽合流入懷來縣南界城西南一百二十五里有桑乾

河一道由西寧縣界入境保安縣界出境又城北二三里許有柳川河又城北六十里許有通橋河均流入白洋河城東泥河由縣屬白廟堡湧泉發源計長六十餘里亦流入白洋河

古蹟 威遠樓明崇禎甲申流賊破鎮城巡撫朱之馮靖難於此鷄鳴山右側洋河左岸有石柱數十世傳漢太守王霸欲作橋會其地有兵役遂罷未知信否上花園在城東四十里遼蕭后種花處今遺趾尚在

金石 清遠樓上置鐘以司昏曉明嘉靖都御史郭登庸鑄制甚巨鷄鳴山永寧寺有古碑其文爲歐陽太史所撰前在鷄鳴驛西三里巡邏道旁今已失落無存

風土 宣邑地瘠民貧風俗樸素人民職業務農者多務工商業者居少數人情 人情忠厚尙有古風惟開通者鮮故文化進行不易近年來初小學校漸次設立民間智識頗開

物產 物產以麥豆高粱穀黍爲大宗稻糜麻次之惟高粱一宗爲製酒必

需之品

村鎮 縣屬計共五百餘村以深井堡化稍營鷄鳴驛白廟堡甯遠站大倉
蓋沙嶺堡爲大村其餘均屬小村

赤城縣

治地 中縣

地勢 地處邊塞頗高亢

山脈 山岳叢雜東西相距不過二三里之遙以閤境言之則以城北觀山
捨身崖等山爲最城南則以鳳凰山滴水崖等山爲最

河流 縣城東西有二河東河發源於獨石之九龍泉西河發源於張家口
之野鷄山至縣城東南合流入於延慶境

古蹟 赤城在前明時爲宣鎮上北路前清康熙三十二年改置赤城縣又
縣城西有湯泉其水自山根湧出暴熱而旁有冷泉隨人浴之皆可愈疾
病

風土 風俗極樸實人民職業以農業爲大宗

人情 人情崇尚儉樸有勤無惰

物產 關於工商之物產惟豬羊牛毛麻油燒酒爲大宗

村鎮 大鎮二一名獨石口一名龍門所小村一百二十八

萬全縣

治地 大縣

地勢 極高距城十餘里有野狐嶺飛鴻過之輒墮

河流 本縣南區有洋河極猛甚爲該處之害

古蹟 按志書所載甚多然現時亦無名勝之處

風土 人民以農商爲職業者居多數

人情 人情尙實居家以檢樸爲主人性極敦厚少文明

村鎮 張家口爲本縣一大鎮其村堡大者不過四五處餘則皆小村莊也

龍門縣

治地 大縣

地勢 地處塞外均係高崗實少卑溼平原之地

山脈 閣邑萬山環繞北山沿邊通至張家口山與山相距多不過十餘里亦有五六里甚而有距咫尺者山之來脈亦始於太行

古蹟 城內有元宮塔城南有南巖閣城北有雙峯山形如插筆城東有丹崖狀如開榜東距城三十里有羊城遺蹟俗傳爲蘇武牧羊之處西距城二十里有鎖陽關俗傳當年范梨華鎮守

金石 古碑銅器均無惟城西北角觀音寺中雖有人造鐵樹一株亦不足以爲奇

風土 風俗尙儉樸人民皆務農而以工商爲業者甚少

人情 人多樸實尙少奢侈習氣閣邑人情多重耕而輕讀文明景象未能遽至

物產 以種五穀爲大宗並種青麻胡麻小麥礦產惟城東辛窰有赭石

村鎮 閭邑總共二百三十一村滿百戶之村僅二十餘處五六十戶及十餘戶之村居多數趙川鵬鸚二村雖有集市俗傳爲鎮若按戶口考之亦不得謂鎮葛峪長安二村前代尙繁盛今已蕭索至極

懷來縣

治地 中縣

地勢 地勢居高縣城外四面平原

山脈 北有螺山距縣十里有奇與延慶州屬馬鞍山毗連南山距縣三十里上有長城東西山較遠

河流 縣城東門外有媯河一道水源出自永甯黃龍潭從東北直達西南歸豬窩口與混河相合

古蹟 縣城東北山有五道湖築就石寺院一處殿分兩層西門外廣慈寺有康熙御草鞋一雙

金石 縣城內大悲寺有古銅佛像十數尊關帝廟外有大石獅子一對其

聲如銅

風土 風俗從厚民多務農

人情 性情直樸素尙勤儉

物產 南北山果木甚繁媯河產魚縣屬新保安西北八寶山產煤

村鎮 統記六大城堡懷來城沙城新保安城土木堡榆林堡礮山堡二百七十餘村

蔚州

治地 中州

地勢 四面環山地勢高亢

山脈 蔚治東南距城六十里餘高山峙聳俗名爲小五台按此山與太行山銜接蜿蜒數百里東南與京都之西山通

河流 壺流河發源晉省之廣靈縣東流經縣城北東注至西合營鎮復北折流入宣化縣南境與桑乾河合

古蹟 東距治城二十里有鎮名代王城卽古代郡廢城漢文帝發跡於此
該鎮東南十里許有磨笄山卽古趙襄子之姊磨笄自刺以殉夫故名
金石 縣城東麥子疇楊氏古塚豎有楊公墓碑係趙文敏公孟頫所書但
石質不佳故字跡脫落不甚明顯

風土 人民多業農商風俗漸澆瀆演劇誦經習爲慣例亦迷信之一徵也
人情 人情儉樸無文勇於私鬪教澤未普良用慨然

物產 普通出產以黍穀爲大宗此外惟麻爲特產奈工藝未興製造不佳
殊爲憾事

村鎮 共八鎮西合營鎮暖泉鎮最鉅代王城鎮北吉家莊鎮次之白樂鎮
桃花鎮北水泉鎮白草窰鎮又次之閭境共四百八十餘村內有山村一
百一十餘處

西寧縣

治地 中縣

地勢 境內多高崗陸地半屬高原惟桑乾兩岸稍卑溼云

山脈 邑之南北皆山均係恆山之支脈自西徂東蜿蜒九十餘里南北相距約三十餘里

河流 境內水之大者曰桑乾發源於晉省馬邑縣東流會於蔚州壺流河又東與宣化洋河相會

古蹟 有金時石幢三上勒陀羅尼字文一存城內大覺寺一存城外千佛寺一存襄山龍門寺

風土 風俗仁厚習尚儉樸士人篤敬民勤樹藝近今多經商於東口蒙古庫倫等處頗興盛焉

人情 人情篤信勤儉雖未造極文之域然已開其漸矣

物產 五穀爲恆產礦物惟煤與西石兩種亦屬寥寥

村鎮 村數約二百餘但未及百戶之村居多數鎮惟東城及揣骨疇兩處而已

懷安縣

治地 中縣

地勢 地近邊塞高亢多山平原絕少惟迤北柴溝堡一帶逼近東西洋河較爲卑溼於樹藝無妨且時獲灌溉之利故爲一縣膏腴所屬

山脈 環邑皆山城西三十里有平頂山南十五里有水溝口山三十里有雲頭山北八里有栲栳山東北三十里有白腰山

河流 河流之大者惟東西南各洋河三河均從山西天鎮縣界流入涇縣屬之柴溝堡東逾府城南至保安州與桑乾河合按東洋河卽古於延水西洋河卽古延鄉水南洋河卽水經注雁門水

古蹟 縣東二十里相傳爲唐時舊縣遺址猶存縣屬之左衛城南地名九龍岡相傳後唐李存勳北討契丹時駐蹕於此至今壁壘尙略可指

金石 壤居邊塞往事舊聞率多湮沒故古碑古碣鮮所著名

風土 風俗習尙頗爲樸實人民職業類多力農商賈次之至工藝一途尙

鮮發達

人情 地處關外人情率多直實尙無澆薄之致亦鮮侈泰之風良由土地瘠貧日用艱苦所致故克儉克勤尙爲闔邑人情之特色

物產 以五穀爲大宗各種礦產全無至牲畜皮毛間有所產亦屬無多未形饒裕

村鎮 闔邑村落近三百處然人民稀少平均每村不及百家亦鮮大鎮縣東有左衛城太平莊之屬縣北有柴溝堡之屬現築張綏鐵路經越該堡將來繁富尙可豫計

延慶州

治地 中州

地勢 山多高亢平原少數

山脈 境內三面皆山最大者疊翠大翻縉雲之山方向東南北距城五六十里之遙俱係太行山之脈

河流 僅有媯水及環城小河并無名水大川

古蹟 古名媯川又名縉雲古人遺跡僅有居庸邊牆塔座

金石 僅有孟浩然之碑碣

風土 俗尚勤儉民多務農

人情 厚實多虛詐少有儉樸無奢華新政日加整頓有漸趨文明之勢

物產 縣屬牛角峪向產杏仁并無特別物產

村鎮 鎮二大村四小村二百四十

保安州

治地 大州

地勢 高原

山脈 城東六十餘有老君山東西方向城南百三十餘里有寶峯山又百

四十里有九針山均南北方向城東南三十餘里有東靈山南北方向城

西三十餘里有龍門山南北方向

河流 城北三十里許有洋河城南關門外有桑乾河均自西而東流

風土 風俗粗野習尚質樸文學武藝均無甚研求人民多以農業爲生計
人情 富保守性忠愚誠實勤儉耐勞近來稍見奢侈跡近粗俗

物產 高粱稻米豆類蕈蓆片柳筐

村鎮 五百戶以上爲大村共八村三百戶上下爲中村共二十七村十餘
戶至七八十戶爲小村約百餘村

張家口廳

治地 中廳

地勢 三汎皆高亢之地

山脈 由山西五台山來脈環繞大青山大馬羣山脈五台山距大青山一
千餘里大青山距大馬羣山二百餘里內聯阿桂小山

河流 由中汎黑水河分爲數枝小河內有大河黑水河距大河五十餘里
其他河皆按各地村名呼之

古蹟 中汎興和城係遼建都之地又有白城子古地古井一面大禁門外朝陽村有清聖祖御書內外一統四大字又正溝有古石一方又元寶山有南天門天旱則合天雨則分

金石 有遼蕭后古牌一方大元古牌半方

風土 人皆務農爲業

人情 淳厚儉樸

物產 動物牛馬騾羊猪黃羊豺狼狐狸等物植物莜麥菜籽大豆蕎麥黍籽爲大宗蘑菇煤炸

村鎮 東汎太平莊元寶山朝陽村西汎烏里雅素台土木路南壕塹中汎興和城等村無鎮

多倫諾爾廳

治地 大廳

地勢 廳屬現分八區廳治附近三區地勢極高亢雖係平原率多沙漠廳

東北五百里經棚五區地勢窪下多溝壑半屬沙漠

山脈 廳治東南有駱駝山東北三百里有賽罕壩最爲高峻

河流 廳治附近之巨流爲灤河由西南獨石口界入境繞廳北流至東南

豐寧界出境經棚附近布沙里漠河發源本境東流過巴林出境

古蹟 廳治西北里許有彙宗善因二寺住持喇嘛約千餘人俗稱爲喇嘛

廟者蓋因此也

風土 風俗強悍人民率多務農

人情 人情樸實習俗儉陋頗近蒙古

物產 關乎工商業者皮毛牲畜特別物產有鹿茸白蘑黃芪

村鎮 住戶零星不成村落惟廳屬西南一百二十里之二號東北五百里

之經棚又東北六百里之劉家營子又東北七百里之土城子人煙略形

稠密堪稱鎮市

附記 廳治八區左近三區係各王公牧廠錢糧均歸各王府經棚五區爲

克什克騰旗札薩克所屬蒙漢雜處佃戶納租由蒙古自行催收

獨石口廳

治地 中廳

地勢 獨石所屬三汎曰黑河丁莊卯正分爲七區其丁莊汎屬三區地址毗聯蒙古係平川遼闊風沙薄地至黑河卯正二汎係山溝偏僻山溝坡地並有水秀山林之處

山脈 獨石丁莊汎有高吉各山大西山長梁山狼尾山均屬土山方向南北距七十餘里並無極大之山其黑河卯正二處有駝駱山石槽山黃花山等其大者曰黑龍山富貴山

河流 黑河汎有黑河一道由駝駱砦起丁莊汎有白河一道由九龍泉起二河流至滴水湖並爲一道均向南歸入灤河入海丁莊又有閃電河一道向北流入蒙古界內

風土 風俗醇樸人民全恃耕種爲業

人情 人民不尙虛華情性忠厚以勤儉爲本惟樸陋無文

物產 丁莊汎地面大宗物產有小蕎二麥莞大豆及胡麻菜子白黑麻菇
等類黑卯二汎物產係高粱各麥並杏仁蜂蜜

村鎮 境內並無集鎮均係零落小村共八百餘村

直隸風土調查錄

宣化府

中 外 輿 圖 局

五 彩 精 印 地 圖

童 世 先 生 著

(調 查 精 確) (各 校 適 用)

增修
四版

世界形勢一覽圖

附說

全一册 一元二角

中學
適用

歷代疆域形勢一覽圖

附說

全一册 一元五角

道縣
新制

中國形勢一覽圖

附說

全一册 一元三角

中學
適用

中國形勢暗射圖

附說

廿四幅 四角

最新
調查

中華分道新圖

附說

一大幅 六角

詳密
調查

中國新區域圖

附表

一巨册 三元四角

實地
調查

七省沿海形勝全圖

附說

五大幅 二元

實地
調查

膠州灣青島詳圖

附說

一大幅 三角

高小
適用

中國簡要新地圖

附說

全一册 六角

是圖按照最近世界變遷大勢分洲分國成圖三十餘幅附說尤詳

是圖上溯禹域下迄清疆旁及塞外諸族或分或合共成四十餘幅

當省道縣三級新制修正公布後將全國縣名悉行註入附說亦詳

是圖專供中學師範地理教科練習之用與形勢一覽圖相輔而行

圖中於新定縣名之下兼註舊名易於查閱另附全國行政區域表

所有京兆地方區域各省道縣區域及各特別區域無不詳細考正

以英日兩國所刊東亞航海圖數十種縮繪併合而成并附以說明

是圖據日本參謀部軍用圖稿并參以童君遊歷所得詳繪一大幅

是圖據日本參謀部軍用圖稿并參以童君遊歷所得詳繪一大幅

教育行政機關
不可不閱此書

黃炎培考察教育日記

第一二集
每冊七角

第一集 內容

本記為黃先生皖贛浙三省之行。游踪所及。次第詳述。內容四之。二寫教育狀況。其一為社會狀況。又其一為山川名勝。其考察教育。每到一地。調查不遺餘力。遇名勝區域。則又求友訪問。必得其詳。而後已。書中插圖。共五十一幅。真形逼肖。尤足以資印證。

第二集 內容

內容專載山東直隸兩省狀況。當黃先生前往調查時。正值青島風雲變幻之際。故所記載。不特教育一項。至詳且盡。即各種社會情狀。特別時事。亦足供國民研究。